

Ahabw'enki Omwoyo Orikwera Yaahairwe?

Jeffersonville, Indiana, USA
Okwaikumi-na-ebiri 17, 1959

1 Nimureeba, Ow'eishe-emwe Neville naikiririza omu kutaho engaro.

Nindeeба nyine ebibuzo bingi. Hati, ebi ninza kubikwataho nyencakare ekiro, 'habw'okuba tinyine bwire bw'okubirabamu ekiro eki, shana omu Butumwa bw'ekiro ekihwere. Hati, omuntu weena ku araabe aine ekibuzo aha Butumwa bwona, biteho ekiro kimwe, reero nimbaasa kubikwataho ekiro ekiraakurateho

Hati, nyencakare ekiro nkaayenzire kuronda, nari kugira, nimmanyisa, abaheereza bamwe, kyaba nikibaasika; kyaba kitabaire kwo, bamwe aha bashaija nari abakazi barungi, abahamire abu turikubaasa kuteerera esimu omu bwire bw'ebyetengo, kugira ngu ku haakugira ekyabaho . . .

Nyencakare ekiro nitutandika, ahanyima y'Obutumwa, okutaho engaro, kandi, ahabw'Omwoyo Orikwera. Reero, nihaija kubaho . . . Oine obugabe bwawe kuguma hanu ku oraabe nooyenda, omu kihuumuro kyona, ku kiraabe nkyetaagisa obwire burailingwa nk'obwo kufa. Reero-bwanyima, kyaba kitabaire kwo, ku oraayetengye kuza owaawe omuka, ahabw'enki, kikaatushemeza, ku waakuhika omu mwanya ahi wa . . . Otarikumanya ah'okuza . . .

Nitwenda kutunga abaheereza bamwe, enamba zaabo, ku baraabe bari abagyenyi; enamba zaabo, ahu barikutuura, okwo ei twakubaasa kubatunga ahonaaho; reero tukakwata omwe omu ka emwe, ondiijo omuka endiijo, kandi n'ondi omuka endiijo, kugira ngu bakaabaasa kubahabura, imwe abarikuza kusherura ogu mugisha gw'amaani oguturikugambaho, okubatizibwa kw'Omwoyo Orikwera.

2 Nyomwabazyo ekiro tubaire nitugamba, "eki Abaire ari." Omwoyo Orikwera Akaba Ari Ki? Kandi Tushangire ngu We ni buri kintu, eki Ruhanga yaaturagaaniise. Ahaa. Omu Mwoyo Orikwera tushangiremu eki Ekanisa ya Ruhanga yaabaire neeza kwetenga. Tumushangire kuba ari akamanyiso, Omuhuumuza, ekihuumuro, okushemererwa, n'obusingye, n'okuzooka. Kandi byona ebi Ruhanga yaaragaaniise Ekanisa Ye, biri omu Mwoyo Orikwera.

Kandi hati, ekiro eki, nitwenda kubuurira ahari, nari kugamba ahari, kwegyesa aha . . . Nyine nk'empapura ishatu nari ina z'amashomo hanu, nari Ebyahandiikirwe, aha Mwoyo Orikwera, omu . . . Nyomwabazyo ekiro ntsigire hanu ekitabo kyangye kya Cruden's Concordance, kandi tinkitungire. N'ahabw'ekyo Ebyahandiikirwe eriizooba kinyetaagiise kubicondoza munonga nk'oku ndikubaasa.

3 Hati, kandi nyencakare . . . Ekiro eki nitwegyesa aha: Ni Kigyendererwa Ki Kya Ruhanga Ekyatumire Yaayohereza Omwoyo Orikwera? N'Ow'enki? Ku Araabe ari ekintu kikuru kityo, mbwenu ahabw'enki Ruhanga Yaamwohereize?

Bwanyima, nyencakare ekiro nitwenda kugamba ahari: Omwoyo Orikwera N'Owaawe? Kandi N'Omputunga Ota? Kandi Noomanya Ota Ngu Waamutunga?

Reero, twaheza kuraba omuri ekyo, n'Ebyahandiikirwe, kukishoboorora n'Ebyahandiikirwe, nitukoresa Ebyahandiikirwe ahabw'ebintu byona, bwanyima abo abarikusherura Omwoyo Orikwera obwo nibaza kwija omu maisho. Reero nyine amatsiko ngu okusisiimuka nikuba kwatandika, okuruga obwo n'okugumizamu, kugyenda omu maisho n'Omwoyo Orikwera.

Hati, ahabw'okugira ngu nyencakare ekiro baangi nibabaasa kugumaho omwanya muraingwa omu bishengye omu kanisa, nintekateeka ngu ku twakubaasa kugira abaheereza baangi kandi n'abantu abo abaine obumanyi omu kwebembera abantu kutunga Omwoyo Orikwera, okubahangaana, okuza omuka hamwe n'o-omukazi na iba, nari-nari hamwe n'omuntu ogwo orikusherura Omwoyo Orikwera, abeegyesiibwe gye eky'okukora.

Ku waakuha omuriisa enamba yaawe y'esimu nari endagiiriro, ekiro eki nari nyencakare ekiro. Iwe gihe Ow'eishe-emwe Neville, obwo ekyo kikaatuhwera okuteeteerana ahabw'oruteerane. Iwe fa kuhayo enamba yaawe y'esimu ahu twakubaasa kukushanga. Reero ogire oti, "Niinyija kuba ndiho, kandi ku tu . . . nimwenda kunta omuka." Ku araabe ari o-omukazi wenka, obwo nitubaasa kwohereza omukazi, mwareeba, aha mukazi ogu. Reero, ku eraabe eri eka erimu omushaija n'omukazi we, ahabw'enki, nitubaasa kutuma omuheereza.

Kandi nitwija kushemererwa ku muraakwatanise, ahabw'okuba nimmanyisa ngu muri, mwena, eki nimukyenda, eki ni kikuru munonga. Kandi mwijukye, "Okiza omuntu kuruga omu buhabe bwe, aba ashwekkire ebibi bingi munonga." Mwareeba? Kandi Omugore wa Kristo aine enjara n'eiriho. Naarumwa ebisha, kuzaara abaana ba Ruhanga.

4 Kandi hati, ekiro eki, tutakashomire Ebyahandiikirwe, ka twinikye emitwe yaitu akaanya kakye ahabw'okushaba. Kandi tutakashabire, imwe abainikire emitwe, mwine ekyetengo? Mwereeze emikono yaanyu reero mugire muti, "Ruhanga, niinyereeza emikono yangye ntarikuzaana. Nyine ekyetengo. Ninshaba ngu onyambe, Ai Mukama." Ruhanga abahe omugisha buri omwe omuriimwe. Naareeba omukono gwawe. Baamaraiika baahandiika ebyetengo byanyu.

5 Kandi, Tataitwe ow'omu Iguru, hati twaija, kugaruka Kwirira haihi naiwe omu kushaba. Eki, hatariho

kubangaanisa eshaara yaaherize kushabwa omu baana ba Ruhanga eki, omu mwanya mukye ogu, kandi n'ebyeshongoro byayeshongoirwe, kandi twimukize emitima yaitu omu kushemererwa kw'okwesiima omu kuhimbisa Ruhanga.

Daudi akagira ngu aryaija omu mutwe gw'abarikwera kandi amanyise ebyetengo bye. Mbwenu ekiro eki, haabaho emikono mingi. Shana, obundi, nkaagira nti, ebicweka makumi munaana ahari igana by'abo abashutami omu kyombeko eki ekiro eki baayereeza emikono yaabo ahabw'ebyetengo. Nikyoreka, Mukama, ngu titurikubaasa kugyenda Tutakwine. Nituteekwa kuba Naiwe, ekiro aha kindi. Niiwe Magara gaitu, okushemererwa kwaitu, okuba gye kwaitu, amaani gaitu agarikutubaisaho, obwegamo bwaitu, akagabo kaitu, engabo yaitu aha muzigu.

Kandi titukaabaasize kurwana orugamba oru rw'amagara Tutakwine. Kikaabaire kitarikubaasika na kakye itwe twenka okukikora, mbwenu nituteekwa kwegamira Ahariiwe wenka. Ahakuba, nitumanya ngu nituraba omu nsi y'omwirima n'enaku. Omuzigu atubonaboneise embaju zonna, omu kutuha emitego n'ebigyezo. Emihanda yeitu, Mukama, eijwiremu emitego y'omuzigu, kutugwisa kubi.

6 Kandi naitwe, nabwo, nitumanya, ngu aha muheru gw'orugyendo twine orwo ruhanga ruraingwa rw'ekibunda, orurikwetwa rufu orw'okurabamu. Ai Mukama, n'oha orikubaasa kukwata emikono yaitu obwire obwo? Nitwenda Kukumanya hati, Mukama. Nitwenda kumanya ngu Okwatsire emikono yaitu, kandi tukwatsire omukono Gwawe, kugira ngu tubaase kugira obwesigye obwo obuhamire ngu ku turaahikye aha kaanya ako kakuru k'omuheru gw'amagara gaitu, kugira ngu tutaahe omu rwigi orwo orurikwetwa rufu, kugira ngu tubaase kugambira hamwe n'abarikwera aba ira tuti, "Niimumanya omu maani g'okuzooka Kwe, kandi nimmanya ngu ku Aryeta, ndyazooka kuruga omu bafu."

Hati, Tataitwe Ruhanga, nitushaba ngu ohe omugisha ebyetengo byaitu n'okuteerana kwaitu. Ha omugisha Ebigambo Byawe. Kandi ku naakugamba ekintu kyona ekyakubaasa kutaana n'Ekgambo Kyawe nari okukunda Kwawe, Iwe na hati okiine amaani okwigara akanwa, nk'oku waakozire omu kiina ky'entare obu Danieli yaabaire akirimu. Kandi nitushaba, Mukama, ngu oigure amatu n'emitima ekiro eki, ngu, kandi ohangyemu enjara n'eiriho. Ka bagirire kimwe eiriho okuhitsya obu batarikubaasa kubyama nari kuhuumura, ahantu hoona, okuhitsya obu Omuhuumuza araije.

7 Nitwikiriza ngu tutwire omu biro by'aha muheru, omu kicuuucu ky'Okwija Kwe. Kandi ekyo nikyo Obutumwa obu bworekyereire, Mukama. N'okugira nguabantu bateho omutima, baraburwe. Kandi, ka ekiro eki, tubaase kwhioko ekikoko, hati hati, tukite enyima aha rubaju rw'entebe, tugire tuti, "Mukama Ruhanga, ndi orwabya Rwawe. K'Omwoyo Waawe agyendagyende omuriinye n'amaani. Mbumba kandi onkore nk'okukunda Kwawe oku kuri. Niinyija kuhayo omutima gwangye, amaani gangye, ebyangye byona, ahabw'omurimo Gwawe.

Tuhurile, Mukama. Tituri hanu kugira ngu tureebwe, aha kiro eki eky'enjura. Tituri hanu ahabw'okugira ngu tihariho ogundi mwanya ahandi gw'okuzamu. Turi hanu ahabw'ekigyendererwa kimwe ky'ekitiinisa, ky'okwehayo, ekirikwera omu mitima yaitu, nikyo, Okwirira haihi Naiwe, nitumanya ngu Okaragaanisa ngu ku Turairire haihi Naiwe, Naiwe noiija kwirira haihi naitwe. Kandi nikyo tubeereire hanu. Ogwo otaahamu aine enjara tarishohora aine enjara. "Baine omugisha abagirira eby'okuhikiirira enjara n'eiriho," Yesu nikwo yaagizire, "ahabw'okuba baryaaga." Kandi ku turaashabe omugaati, tituritunga ibaare. Twine obuhame obwo. Kandi ku turaashabe eky'enyanja, tituraahieebwe enjoka. Kureka, Ruhanga Tataitwe aryaturiisa Emaanu y'omu Iguru, Ekgambo Kye n'Omwoyo We Orikumuhamya. Garukamu okushaba kwaitu, Mukama, kandi n'ebyetengo byaitu, obwo turikweyongyera Kukutegyereza. Nitushaba omu Iziina rya Yesu Kristo. Amiina.

8 Hati, imwe abarikuhandiika Ebyahandiikirwe ebi, ku mwakubiikuura naanye omu kitabo kya Yohaana Orikwera omurundi ogundi, eshuura ya 14. Nitwenda kutandikira aha shuura ya 14 y'ekitabo kya Yohaana Orikwera. Ka tutandikire nk'aha mushororongo gwa 14, Yohaana Orikwera 14:14, reero tushome ekicweka ky'Ekyahandiikirwe eki. Hati, omuri eki nimwija kushangamu bingi by'ebyo ebi ndikwenda kugambaho ekiro eki.

Kandi mwijukye, imwe abaine Baiburi eziine enyuguta ezirikutukura, kiri omu nyuguta ezirikutukura, eki nikwo kiri. N'Ebigambo ebi Yesu We wenka yaagambireho, n'ahabw'ekyo nitubaasa kuba n'obuhame ngu nikija kuba nk'oku Yaagambire. "Eiguru n'ensi biryahwaho, kwonka Ebigambo Bye tibirihwaho."

Hati nituza kushoma kuruga aha mushororongo gwa 14 gw'eshuura ya 14.

Ku murishaba ekintu kyona omu iziina ryangye, ndyakikora.

Ka n'okuragaanisa okuhairwe omugisha!

Ku muraabe nimunkunda, nimwija kukwata ebiragiro byangye.

Naanye ndyashaba Tata, nawe aryabaha (Omuhuumuza) ondijo, (kugira ngu) agume naimwe obutwire bwona.

(Omuhuumuza) ogwo n'Omwoyo ow'amazima, ou ensi etarikubaasa kwakiira, ahakuba temureeba, . . .

Hati, imwe abaakuba nimushoma omuri Baiburi y'Orugriika, nimubaasa kukireeba omunda hanu, ti . . .

Okureeba aho nikimanyisa "okwetegyereza." "Ahakuba ensi Temwetegyereza." Ekyo n'amazima gonyini. Ka ngarukye nkishome hati.

Omuhuumuza ogwo n'Omwoyo ow'amazima, ou e . . . amazima, ou ensi etarikubaasa kwakiira, ahakuba temureeba n'obu kwakuba okumumanya; kwonka imwe mumumanya (oha? Omuhuumuza); ahakuba aguma naimwe hati (obwire obu), . . . aguma naimwe kandi aryatuura omuriimwe.

Ekyo niki? Omuhuumuza ogwo.

Tindibatsiga (mutaine omuhuumuza); ndya . . .

Omuntu weena naamanya ngu "nyowe" n'entsigwa rwetwara.

. . . ndyaija ahi muri.

Hatsigaire omwanya mukye, ensi okutandeeba bundi; kwonka imwe murya . . . kwonka imwe muryandeeba; ahabw'okuba ndi ohuriire, naimwe muryaba abahuriire.

Aha kiro ekyo muryamanya ku ndi omuri Tata, naimwe ku muri omuriinye, naanye omuriimwe.

Aho niho harikuza kuba omusingye gw'ekiteekateeko kyangye, kwonka twaza kweyongyera tushome kakye. Ekyo nakyo kankishome hati, omurundi ogundi.

Aha kiro ekyo (ekiro kikuru, ekiro ky'orubanja) ekiro ekyo muryamanya ku ndi omuri Tata, naimwe ku muri omuriinye, naarye omuriimwe.

Oine ebiragiro byangye akabyorobera niwe arikunkunda; kandi orikunkunda, aryakundwa Tata, naanye ndyamukunda, mmweyorekye.

Yuda, otari Iskaryota, yaamubuuza ati: Mukama wangye, kibaire kita iwe okutweyoreka, oteeyorekye ensi?

Egyo ni, kosmos, "entwaza y'ensi." Ku oraabe oine ebihandiikirwe omu mwanya gw'aha rubaju ogwetooroire Ebyahandiikirwe aho, nimuza kwetegyereza. Eyangye ni "g," kandi nikigamba hanu, "kosmos, nari entwaza y'ensi." Ago n'amakanisa, n'ebindi nk'ebyo, mwareeba.

. . . kibaire kita iwe okutweyoreka, otabeeeyorekye? Noobaasa kukikora ota?

Yesu yaamugarukamu ati: Omuntu ku arikunkunda, aryarinda ekigambo kyangye: (amiina) na Tata aryamukunda; kandi turyaija ahariwe, tutuure nawe.

Otarikunkunda, tarinda bigambo byangye: . . .

Naabaasa kurinda ebigambo by'ekanisa; kwonka rinda ebigambo Bye, nimureeba.

. . . kandi ebigambo ebi muhurira ti byangye; n'ebya Tata owantumire.

Ebigambo ebi naabibagambira nkibaine.

Kwonka (Omuhuumuza), Omwoyo Orikwera, ou Isheboona aryohereza omu iziina ryangye, niwe ariveegyesa byona, akabaijutsya byona (ebyo ni, Ebigambo Bye) ebi naabagambiire.

Mbwenu nikigyendererwa ki ekyatumire Ruhanga yaayohereza Omwoyo Orikwera? Ninshaba ngu Ayongyere emigisha Ye aha Kigambo Kye.

9 Yesu akagira, ngu, "Aha kiro ekyo muryamanya ku ndi omuri Tata, kandi na Tata omuriinye; kandi muri . . . Ndi omuriimwe, kandi muri Omuriinye." Hati, ku twakubaire nituza kugamba eki . . .

Hati, mwijukye, eki nikiza kukwatwa aha rutambi rw'amaraka.

Omukristaayo omushuubuzi, okuruga Louisville, anteereire esimu obwire bukye obuhingwire. Reero yaagira ati, "Nikishwaza, Billy, kushanga ngu Obutumwa obu, nk'oku ogambire nyekiro, tiburikuhika aha bantu emitwaro ena hanu omu mwanya gwa igana na makumi ataano, nari magana abiri, abantu magana ashatu omuri tabirinaakuru yaawe nkye."

Naagira nti, "Sebo, omu meezi mukaaga okuruga hati, Yesu ku araikareyo, ensi yoona okwehinguririza eki neija kukihurira." Mwareeba?

Ezo ntambi z'amaraka ziza omu nsi yoona, mwareeba, hoona hoona. Kandi, n'ahabw'ekyo, nitwegyesa hanu hati eki turikwikiriza ngu n'Amazima, kandi eki tushangire ngu Ruhanga akituhamiize ku n'Amazima.

10 Hati, ekigyendererwa, ekigyendererwa kya Ruhanga omu kwohereza Omwoyo Orikwera kikaba kiri ki-kikaba kiri ki? Hati, ekyo nkaakihandiika, Yohana 14, okutandikira aha mushororongo gwa 14, kandi n'okushoma omu shuura yoona, okutaho omusingye. Ekigyendererwa kya Ruhanga, nitureeba hanu, omu kwohereza Omwoyo

Orikwera, kikaba kiri ekigyedererwa kimwe, kugira ngu Ruhanga We wenka abaase kutuura omu Kanisa Ye n'okugumizamu entebeekanisa Ze kurabira omu Kanisa. Ngu, Ruhanga akaba ari omuri Kristo, kugumizamu entebeekanisa Ze kurabira omuri Kristo; kuruga omuri Kristo, kutaaha omu Kanisa, kugumizamu omurimo Gwe kurabira omu Kanisa.

Hati, nitumanya eki Omwoyo Orikwera ari. Tushangire, ekiro kya nyomwebazyo, ngu Ni Ruhanga.

Hati, ku turikuteekateeka ahari Ruhanga, Tataitwe, nka Yesu oku yaagambire hanu, Ishe; Ruhanga, Omwana, nka Yesu; Ruhanga, Omwoyo Orikwera, nk'oku Tumweta ebiro ebi. Hati, ekyo tikirikumanyisa ngu hariho abantu bashatu, Baaruhanga abeetongoire. Nikimanyisa ngu hariho Ruhanga omwe omuri za ofiisi ishatu.

Ka tukigambe tuti. Byona ebi Ruhaga yaabaire ari, Akabishuka omuri Kristo, ahabw'okuba Akeemaramu Weena kandi Yaakishuka omuri Kristo. "Kandi omuri Kristo hakaba harimu obwaruhanga bwona obureeberwa omu mubiri Gwe." Byona ebi Yehova yaabaire ari, Akabishuka omuri Kristo.

Kandi byona ebi Kristo yaabaire ari, Akabishuka omu Kanisa; ti mu muntu omwe, kureka omu Mubiri gwona. Aho, twateeranira hamwe omu bumwe twine Amaani. Byona ebi Ruhanga yaabaire ari, bikaba biri omuri Kristo; kandi na byona ebi Kristo yaabaire ari, biri omuriwe.

"Ahakuba Ruhanga akaba omuntu, kandi yaatuura naitwe." Timoseo y'okubanza 3:16, ku muraabe nimukihandiika, "Hataraho kubangaanisa enama y'Obwaruhanga ni nkuru: ahakuba Ruhanga akeeyoreka omu mubiri, kandi Twamukwataho. Ruhanga, Yehova, ahindukire omuntu, kandi yaatambura omu nsi, kandi Twamureeba n'amaiho gaitu."

11 Nimumanya, omu shuura niyo emwe, ya Yohaana 14, Filipo akagira ati, "Mukama, tworekye Isheboona, kandi ekyo nikitumara."

Yesu yaagira ati, "Filipo, ahi naakatuurira naimwe, Tokammanyaga? Ondeebire, biri areebire Isheboona. Mbwenu n'enki ekirikukushabisa oti, 'Tworekye Isheboona'?" Ruhanga akahinduka omuntu.

Hati nkiki hanu. Isheboona akaba ari Ruhanga ahaiguru yaanyu, nikwo turikugamba. Tutwireho kwiha ahari Adamu. Ruhanga, Isheboona, akaba ari ahaiguru ya Musa n'abaana ba Israeli, omu Nyomyo y'Omuriro. Obwo, Ruhanga arinaitwe, omuri Kristo; yaatambura naitwe, yaagamba naitwe, yaarya naitwe, yaabyama naitwe. Ruhanga ahaiguru yaitu; Ruhanga arinaitwe; kandi hati Ruhanga omuriitwe. Byona ebi Ruhanga yaabaire ari, bikataaha omuri Kristo; byona ebi Kristo yaabaire ari, byataaha omu Kanisa.

Niki? Ruhanga naakorera omuriwe. Ahantu hoona omu nsi ahi Yaakwenda kukutaayaayira, oriho aho honyini, naakorera omuriwe okukora okukunda Kwe kurungi. Ka tushemereire kusiima Ruhanga ahabw'ekyo! Ruhanga, Omwoyo Orikwera, ayohereziibwe ahabw'ekigyedererwa kya Ruhanga kutuura omu Kanisa Ye, naagyenda kurabira omuri buri busingye, naakora okukunda Kwe kw'Obwaruhanga.

12 Abantu baaba nibakuteerera enaku, tiiwe barikuteerera enaku, nibazaanisa Ogwo owaakutumire. N'ahabw'ekyo Yesu akagira ati, "Imwe mwine omugisha abantu ku baribagambaho ekibi ky'omuringo gwona, nibababeisherera, ahabw'Eiziina Ryangye. Mwine omugisha." Kandi, omurundi ogundi, "Boona abamaririire kumara ebiro by'amagara gaabo byona omuri Kristo Yesu nibatiina Ruhanga baryahiigwa."

Ahakuba, Ruhanga ku Yaayemanyiise omuri Kristo, Baamwanga. Abaamwangire munonga, ni baahi? Ekanisa. Ekanisa ekamwanga munonga, okukirayo. Bakamwanga munonga kukira a-abasinzi. Bakamwanga kukira abandi bantu boona. N'ekanisa Eyaamwangire. Mbwenu, n'ahabw'ekyo, mwareeba kosmos, "Entwaza y'ensi, ensi Teramumanyire," nikimanyisa, "ekanisa," nk'oku erikweyeta, "Teramumanyire. Akaja Owe, kandi abaabaire bari Abe Tibaamwakiira."

"Kwonka boona Abaamwakiire, nibo abaikiriize Eiziina Rye, Akabaha obushoboorozi okuba abaana ba Ruhanga." Oo, ka tushemereire Kumukunda kandi Tukamuramya! Ekigyedererwa kya Ruhanga, naayenda kuba omu kukwatanisa!

13 Nka, tutakarekire eishomo eryo, ka tukorese eki; omu biro bya Ruusi, omu kiragiyo ky'obucunguzi, obu Naomi yaabaire arugire omu ihanga, ahabw'ekigyezo, obwire bugumire. Akaza omu nsi y'Abamoabu, abaabaire bari Abakristaayo omu iziina, baakooyakooya. Ahabw'okuba, Abamaobu bakakomooka ahari muhara wa Looti, kandi bakaba nibeeyeta abaikiriza, kwonka babuzabuziibwe. Reero iba yaafa, kandi n'abatabani be babiri baafa. Kandi ku baabaire bari omu muhanda nibataaha, Naomi . . . Ruusi na Naomi, bari omu muhanda nibataaha, eye . . . Omwe ahari bakaamwana be, Orupa, yaagira ngu akaba naaza kugaruka omu nsi ye, ahari baaruhanga be, n'omu kanisa ye, kandi n'omu bantu be. Kandi Naomi yaagyezaho kwikiririsa Ruusi ngu agarukyeyo, kwonka yaagira ati, "Abantu baawe n'abantu bangye. Ruhanga waawe ni Ruhanga wangye. Ahu orifeera, niho naanye ndifeera. Ahu oriziikwa, naanye niho ndiziikwa. Kandi tindigarukayo."

Obwo nibwo omuntu yaatunga okworekwa. Tikirikureetaho ntaaniso yoona eki abantu be baagambire ngu, "Nooza kuriya kuba orikwera oyekuringa ahansi nari ekindi kyona." Ekyo tikirareetsireho ntaaniso yoona ahari Ruusi. Hakaba hariho ekigyedererwa kya Ruhanga ky'okuhikiirizibwa.

14 Kandi buzima nk'oku oine enjara y'Omwoyo Orikwera ekiro eki, n'ekintu ekiri omuriyi, nikikukurura, kugira ngu ekigyendererwa kya Ruhanga omu magaara gaawe kiteekwe kuhikiirizibwa, nk'oku kyabaire ahari Ruusi.

Ekitebyo ka ni kirungi munonga! Tindikubaasa kukireka, ahabw'akaanya kakye. Nimumanya ekiragiro ky'okucungurwa, ngu Boazi ku . . . Nimumnaya ekitebyo oku Ruusi yaahumbire omu musiri kandi akatunga obuganzi ahari Boazi. Kandi atakabaasize kumutaasya, akaba naateekwa kucungura byona ebi Naomi yaabaire aburize. Kandi omuntu wenka owaakubaasize kucungura embeera za Naomi z'okugwa, omu kiragiro ky'obucunguzi, akaba ari omunyabuzaare wa haihi; akaba naateekwa kuba omunyabuzaare atakabaasize kucungura. Kandi ogwo akaba ari omunyabuzaare wa Naomi wa haihi munonga. Kandi akaba naateekwa kworeka abantu boona akamanyiso, aheeru y'eirembo, nari okwatura butunu ngu akaba acungwire byona ebi Naomi yaabaire aburize. Kandi Boazi akakikora naajaura enkaito ye omu maisho g'abakuru, reero yaagira ati, "Ku haraabe hariho omuntu weena hanu oine ekintu kyona kya Naomi, naakicungura eriizooba."

15 Kandi okwo nikwo Ruhanga yaakozire, akakuratira ebiragiro Bye. Ruhanga tabaasa kukurata, kukuha ekiragiro kimwe ky'okukuratira reero We akakuratira ekindi. Akuratira ebiragiro Bye. N'ahabw'ekyo, Ruhanga, kwenda ngu acungure ekanisa ebuzire, ensi ebuzire, eby'obuhangwa ebibuzire: Ruhanga, Ogwo otaine bugarukiro omu Mwoyo, okucungura oruganda rw'abantu ababuzire, Ruhanga We wenka akaba omunyabuzaare, Omuntu, Omwana ou Yaahangiire omunda ya Mariamu. Reero Yaataho akamanyiso, nari obujurizi; aheeru y'amaremba ga Yerusaalemu, Yaaterurwa yaaza ahagati y'eiguru n'ensi, kandi yaafa, reero yaacungura byona. Reero omu kujwa eshagama, Akeesa Ekanisa kugira ngu We wenka Abaase kugituiramu, kandi akwatanise kandi ahurizane nayo, ogwo mwanya ogwabuzire gw'okukwatanisa kuruga omu kibanja kya Edeni omu Ruhanga yaabaire ashuma buri mwebazyo, omu bwire bw'okuza aha kanisa.

Mwetegyereize, Ruhanga akashuma omu mabeho g'omwebazyo, eizooba nirirengarenga. Hariho ekintu nanka obwire ku butandika kwira, abantu bateekateeka aha kanisa n'ahari Ruhanga; Abakristaayo. Nooreeba eizooba nirirenga, nooyetegyereza ngu eizooba ryawe nirirengarenga.

16 Kandi omu mabeho g'omwebazyo Akaba ashuma ahansi reero akwatanisa nabo. Kandi aho Akafeerwa okwo kukwatanisa, ahabw'okuba ekibi kikaba Kitarikumwikiriza kukikora.

Reero Yaaba omuntu kandi yaatuura naitwe, kugira ngu Abaase kugarukira omuntu omurundi ogundi, kandi atuure omu muntu, kandi agarure busya omuntu omu mbeera y'okukwatanisa Nawe omurundi ogundi, reero amugarurire obugabe bwe obu Ruhanga yaamuhaire. Ekyo nikyo Yaakozire.

Ekyo nikyo kiggyendererwa ky'Omwoyo Orikwera. Ni Tataitwe, nabwo, Ruhanga Tataitwe otwire omuriyi, naakora entebeekanisa Ze, okumariiriza entebeekanisa Ye y'obucunguzi; naakora kurabira omuriyi, naakuhindura omukozi hamwe nawe; Naakuheereza omwanya, naakuha omugabo ahabw'ow'eishe-emwe ogwire, obuzire n'ow'eishe-emwekaza; naakuha Omwoyo We na Rukundo Ye, okuza kusherura ababuzire, nk'oku yaakozire omu kibanja Edeni. "Adamu, Adamu, ori nkahi?" Ekyo nikyo Omwoyo Orikwera akora aha mushaija nari omukazi. Ku ataaha omu mitima yaabo kandi Akatunga obutaaho, nihabaho eirihio n'okugira enjara ahabw'abantu ababuzire.

Ako niko kabi akari omu nteerane z'eriizooba. Tizirimu okukwatwaho kw'Omwoyo okurikugasha omurizo, okuza kusherura emyoyo y'ababuzire n'abarikufa. Okukira munonga n'okukora eiziina, nari ekanisa, nari ekyombeko, nari ekigombe ky'ediini, omu mwanya gw'entebeekanisa y'okureeta abantu omu kujunwa. Ka n'eky'obusaasi! Nitubaasa kukigumaho munonga.

17 Ruhanga Akeeshuka omuri Kristo. Kihikire.

Kristo Akeeshuka omu Kanisa. N'ahabw'ekyo, hati mureebe, "Aha kiro ekyo muryamanya ku Ndi omuri Tata, kandi naimwe ku muri Omuriinye, kandi Naanye omuriimwe. Aha kiro ekyo muryakimanya." Ahakuba, ni, ekintu kyona ni entebeekanisa emwe y'obucunguzi erikushuma, ngu Ruhanga naagaruka kutuuramu, kandi atuure hamwe, kandi akwatanise n'abantu Be, nk'oku Yaakozire omu kutandika.

Hati, mbwenu, ahonaaho Yaahitsya Ekaniza Ye omu mbeera y'okugamba, kuhitsya Ekanisa Ye aha mwanya ogu Arikubaasa kugigyendagyendamu, n'okukunda, n'okwikiririsa, kandi n'okukwatanisa, obwo haryaija Edeni. Aryagaruza Ekanisa Ye ahu Ya-Yaamurugiireho, kugigaruza omuri Edeni ogundi murundi, aho ahu Yaagwereire. Yo, hati . . . Aho niho Yaatandikiire omurundi gw'okubanza, nari ahu yaagwereire. Aho niho Erigarurwa, hamwe na buri bujurizi burungi bw'obucunguzi, kubagarurira kimwe aha mwanya ogwo omurundi ogundi.

18 Ekanisa etwire omu nsi okumara obwire. Kandi Ekanisa, buzima, ahanyima y'okuhunduurwa, kw'emyaka rukumi n'amagana ataano y'obusingye bw'omwirima . . . Luther akaba ari omuhunduuzi w'okubanza kurugayo ahanyima y'ekibiina ky'entumwa. Reero Luther ku yaarugireyo, Ruhanga yaashuka Omwoyo mukye kandi Yaagushuka aha Kanisa omu kwihwaho orubanja. Reero omu biro bya Wesley, Yaashuka ekicweka Kye kikye okweyongyeraho, omu kwezibwa. Kandi nk'oku obusingye bweyongyeire omumaisho, okuhika omu bwire bw'aha muheru, Ruhanga atwire naijuza Ekanisa Ye. Iwe fa kureeba buri hantu reero orebee ku garaabe gari Amazima, nari gatarigo.

Reeba obusingye bw'aba Luther, imwe abashoma ebyafaayo, mureebe okusisiimuka kwabo n'ebi baakozire.

Reeba oku okusisiimuka kwa Wesley kwabaire kuri okw'amaani munonga, oku baabaire baine amaani maingi munonga, kwonka omu bukye. Mureebe omu biro by'Abapentekoote, okusisiimuka oku baabaire baine obwire obwo, oku kwabaire kuri okw'amaani, kubugire hoona.

19 Nabwo, Our Sunday Visitor, orupapura rw'amahurire rw'Abakatoriki, rwatwire ngu Abapentekoote bakatunga abahindwirwe miriyoni emwe n'emitwaro makumi ataano omu mwaka gumwe, baasinga amakanisa agandi goona. Abakatoriki bakahindura kwonka, bakagira ngu, miriyoni emwe. Omu rupapura rw'amahurire rwabo rwa Sunday Visitor, orupapura rw'amahurire orurikwetwa Sunday Visitor, rugizire ngu Abapentekoote bakabasinga.

Kandi, mwijukye, okuhindura kw'Abapentekoote n'okuhindura kw'okwijura Omwoyo Orikwera. Omu bukye, eky'okubanza kya byona, aha rubaju rw'akekuubo aheeru okwo, baine e-endongo ekuzire. Kandi abakazi bakaba batarikubaasa nangwa n'okugura esitokisi ibiri. Babyami aha nguuto z'egaari y'omwika, kandi nibatooratoora ebicoori kandi babisa, reero bakakora emigaati y'abaana baabo. Kwonka ekirugiremu niki? Ekanisa y'amaani munonga erabaireho omu nsi eriizooba, atari omu maisho g'ensi, kureka omu maisho ga Ruhanga, ahabw'okuba Naakihamya n'ebi Arikubakorera. Naayeshuka omuribo, Naabashukamu Omwoyo Orikwera.

20 Mwetegyereze hati ekyabaireho, Ruhanga Naayeshuka omuribo. Hati Ekanisa ehikire omu mwanya, kuruga ahari Luther, Wesley, kandi okusisiimuka kuri omu Bapentekoote; kandi hati omu busingye obu obu turikuzamu hati, ahabw'Omwoyo Orikwera niwe omwe, mwingi okukiraho. Hati, aba Luther abo ku baajunirwe enyima okwo, bakatunga omugabo gw'Omwoyo Orikwera. Aba Metsodisiti ku baayezibwe, ogwo gukaba guri omurimo gw'Omwoyo Orikwera. Mwareeba, gukaba guri omurimo gw'Omwoyo Orikwera. "Barekye kuhikiirizibwa itwe tutariho," Ekyahandiikirwe nikwo kirikugira. Mwareeba?

Hati, Ruhanga, nk'oku Omushana gutandikire kwaka omu biro by'aha muheru, Atwinemu amatsiko, ekintu kikuru kuturugamu. Ahabw'okuba, "Ahu ebingi bihairwe, nihashabwa bingi." N'ahabw'ekyo Naaza kutushaba bingi munonga okukira oku Yaashabire aba Luther nari Metsodisiti, ahabw'okuba nitugyendera omu Mushana mwingi okukiraho, hamwe n'Amaani maingi okukiraho . . . o-obujurizi bukuru munonga okukira obu baabaire baine. Hati, twine obujurizi bukuru munonga bw'okuzooka. Ebintu tubiine bihamire munonga, biri amazima okukira oku baabaire babiine.

21 Kwonka kiri nk'oku naagambiire eitendekyero ry'aba Luther, obwire bukye obuhingwire.

Bakabuuza bati, "Twine ki?"

Nkagira nti, "Omuntu akabyara omusiri gw'ebicoori. Otubabi tukye tw'okubanza twaturuka, reero yaagira ati, 'Mukama asiimwe ahabw'omusiri gw'e-gw'ebicoori!' Omu buryo bumwe, akaba abiine, kwonka akaba abiine omu mbeera z'okubanza. Ahanyima, byaba emishengye."

Reero eshisha yaarugayo, eyaabaire eri Abametsodisiti.

Waareeba eby'obuhangwa, nooreeba Ruhanga naakora. Hariho enaama eri aho nangwa eine akakwate n'obuheereza bwangye. Mwareeba? Ngu, okureeba eby'obuhangwa, okareeba oku birikukora, ni busingye ki kandi ni bwire ki, noobaasa kureeba ahu otwire. Reeba obusingye.

22 Hati, mbwenu, Abametsodisiti, bakaba bari eshisha. Bakaranzya enyima aha ba Luther, baagira bati, "Twine okwezibwa; Timukiinemu kakwate."

Bwanyima, okuruga omu mweyangye ogwo, okuruga omu Bametsodisiti, haarugamu enjuma y'o . . . orushiisha rw'ekicoori. Egyo ekaba eri Pentekoote.

Nkikyo aho, okwihwaho orubanja, eidaara rimwe ry'Omwoyo Orikwera. Okwezibwa, eidaara erindi ry'Omwoyo Orikwera. Omwoyo Orikwera, eidaara erindi Ryagwo; Pentekoote. Luther, Wesley, Pentekoote.

Hati Pentekoote neekora ki? Ninkishushanisa, ahabw'okuba, omuri Pentekoote, kikagarura, atari eibabi rya kinyaatsi, atari eshisha, kureka . . .

Ekicoori tikirikubaasa kugambira eshisha kiti, "Tonyiniire mugasho." Nari, eshisha terikubaasa kugambira e-eibabi eti, "Tonyiniire mugasho," ahabw'okuba amagara nigo gamwe ago agaabaire gari omu shisha gakakora orushiisha rw'ekicoori.

Kandi ekaba eri ekanisa y'Abaluteeri eyaakozire ekanisa ya Wesley. Ekaba eri ekanisa ya Wesley eyaakozire ey'Abapentekoote.

Kwonka, Pentekoote, niki? N'okugarurwa busya kw'omuringo nigwo gumwe ogw'enjuma eyaagiire omu itaka omu kutandika, nikugarura okwijura kwona kw'Amaani ga Pentekoote, ahabw'okubatizibwa kw'Omwoyo Orikwera, mwareeba, omu biro by'aha muheru. Oo, n'ekintu kikuru, okureeba, okwikiriza kandi n'okukireeba.

23 Hati omu busingye obu obu tutwiremu hati, obusingye obu, burengire obwa Pentekoote.

Pentekoote ehamiire omu bibiina by'amadiini, kandi yaatandika kutooreza munonga ebikwatsire aha bibiina

by'amadiini eti, "Turi eki kandi turi kiriya." Ekyo n'eky'obuhangwa kwonka. Tokaabaasa kukizibira. N'obuhangwa. Ekyo baryakikora. Niyo puraani, yaabo kukora ekyo.

Kwonka Ekanisa eyeyongyeireyo omumaisho. Etaahire omu kintu kikuru okukiraho ekiine amaani agarikukiraho. N'okugarurwa busya kw'ebiconco.

Kandi Abapentekoote baangi tibarikwikiririza omu kutamba kwa Ruhanga, obuheereza bwa Baamaraika, n'amaani ga Ruhanga. Abapentekoote baangi beeta okworekwa oku ndeeba, "daimoni." Ebibiina by'amadiini bingi tibaraije nangwa n'okugira akakwate Nakyo, omuri Pentekoote. Mwareeba, ekyo tugyenzire twakirenga. Nk'oku Abametsodisiti baayetsire Abapentekoote, "abagwa eiraro," ahabw'okugamba omu ndimi. Nk'oku Abaluteeri baayetsire Abametsodisiti, "abagwa eiraro" ahabw'okuteera akaari. Mwareeba?

Kwonka kwona n'okwija kw'Omwoyo Orikwera, okuhitsya obu Ekanisa nkuru eraijure, kandi ekatsindagirwa buzima, haleluya, [Ow'eishe-emwe Branham yaakongoota aha kituuti kabiri -Omur.] n'amaani maingi ga Ruhanga ow'Obushoboorozi bwona. Okuhitsya obu, kihikire omu bwire obu emirimo yonyini ei Yesu yaakozire eriyo neeyeyorekyera hanu honyini omu Kanisa hati. Turi haihi, banywani.

24 Ka nyemerere hanu, kumara nk'edakiika, kutunga eki Ruhanga yaateereire Omwoyo Orikwera omu Kanisa, mbahe ekirikushushanisa ekindi kugira ngu mwije kumanya. Enyima omu Ndagaano eya ira, o-omwana ku . . .

Omushaija akaba ayeyombekyera enju. Akaba ataasya omugore we, ekyo nikyo kintu ky'okubanza.

Bwanyima aba omushaija w'amaani, nk'ekibiina ky'ediini. Ekyo kikaba kiri kirungi.

Ekintu ekindi kubaho, omwana azaarwa omu ka egyo. Obwo n'obu Omwoyo Orikwera, mwareeba, ogundi mwoyo gutaahamu, owaabaire ari omwana. Ogwo mwana, akaba ataine obushoboorozi bwona, n'obu kwakuba kuba omuhunguzi okuhitsya obu yaabaire aba ow'emyaka nanka. Kandi akaba ateeke kubanza, yaagyezibwa. Eego.

Reero bakaba baine ekiragiro ky'okuhindurwa omwana oine obushoboorozi. Ahariimwe abaheereza, "okuta omwana omu mwanya gwe," nikyo ndikugambaho hati, mwareeba, bwanyima akaba ahika omu bwire obu yaabaire ahindurwa omwana oine obushoboorozi. Yesu akaba eky'okureeberaho kyakyo aha Rushozi rw'Okuhindurwa.

Nk'oku ngambire, Ruhanga tarikora kintu kyona aheeru y'ebiragiro Bye.

Waaba oine eiziba ry'enshuro aha kabungo aka, nirimiisiira amaizi hoona omu mwanya. Kandi aha kabungo aka akandi seeri hanu, oine ekihingwa nikiitwaa omushana. Noobaasa kwemerera aha kabungo aka ogambire ahaiguru oti, "Oo, maizi 'we, tembera seeri hanu obobeeze ekihingwa kyagye! Oo, maizi 'we, hika aha kihingwa kyangye!" Tigarikikora na kakye. Kwonka ku oraakore kurugiirira aha biragiro by'amaani g'ensi agarikukura nigashuumya, noobaasa kushukyeera ekyo kihingwa.

25 Oine omuntu orwaire arambiire hanu, nari omusiisi orambiire hanu, nari omuntu orikwenda kwegarukamu, otarikubaasa kureka kunywa amhaarwa, otarikubaasa kureka kureetsa sigara, atarikubaasa kureka okurigira kubi n'ebindi. Ku oraakore kurugiirira aha biragiro bya Ruhanga, okareka Omwoyo Orikwera akataahamu, obwo naaba atakiri we ahabwe. We, naija kwemereza ekintu ekyo, ahabw'okuba Omwoyo Orikwera naamutegyeka. Kwonka nooteekwa kukora kurugiirira aha biragiro bya Ruhanga, amateeka ga Ruhanga.

Hati, omu Ndagaano eya Ira, omwana ogu ku yaabaire azaarwa, bakaba baamureebuuza, okureeba oku yaabaire naayetwaza, emitwarize.

Bwanyima ishe, ahabw'okuba omushaija omushuubuzi mukuru omu bwire obu, obundi ari omu myaka makumi ana nari makumi ataano, akaba ataine bwire bw'okwegyesa omwana ogu, ahabwe, n'ahabw'ekyo akaba aronda . . . Omu biro ebyo bakaba bataine mashomero ga gavumenti nk'oku bagaine hati, n'ahabw'ekyo bakaba batunga eki baabaire beeta "omurezi," nari "omworozi," omwegyesa w'eishomero. Kandi omwegyesa w'eishomero ogu akaba aba ari murungi munonga ou yaabaire naabaasa kubona, kugira ngu akaaba omwesigwa reero agambira ishe amazima ebikwatsire aha mwana we.

26 Reero omwojo ogu ku yaabaire ahitsya emyaka nanka, ka tugambe, akaba aba yaakura. Ogwo mwojo ku araabe yaabaire ari endeme, atari murungi, atarikufa aha murimo gwa ishe; eki yaabaire ateekekaho kyonka kiri akakungu n'okuzengyerera n'abakazi, nari-nari kunywa amhaarwa, nari kuteera zaara, nari empaka z'embaraasi; ogwo mwojo akaba burijo aguma ari omwana, kwonka akaba atateebwa omu mwanya gwe na kakye okugira obuhunguzi ahari byona ebi ishe yaabaire aine.

Kwonka ku yaabaire aba omwojo murungi, kandi ari aha murimo gwa ishe, kandi akahamibwa kuba omwana ohikire, obwo bakaba bagira omukoro. Bakaba batwara omwojo aheeru omu rurembo reero bamujweka ekijwaro ekirikwera, kandi bamushutamya aha kadaara nikwo orurembo rwona rubaase kumureeba. Bakaba bakora obugyeniyi n'okujaguza, reero ishe obwo akaba agira omukoro gw'okumuhindura omwana oine obushoboorozi. Akaba ahindura omwana we oine obushoboorozi omu bintu bye, reero ogwo mwana akaba aingana na ishe. Omu bindi bigambo, kuri biri ebi, eiziina ry'omwana aha ceeka rikaabaire nk'erya ishe.

27 Hati mureebe eki Ruhanga yaakozire. Omwana We ku yaazairwe, Akamureka yaakura yaahitsya emyaka makumi ashatu, Naamugyeza. Bwanyima Yaamuha emyaka eshatu y'ebigyezo bigumire, reero aha muheru gw'ebigyezo ebigumire, ku Yaareebire ngu Omwana We akaba ari aha murimo gwa Ishe; Orushozi rw'Okuhindurirwaho, Ekitabo kya Luka; Yaatwara Petero, Yakobo, na Yohaana, abajurizi bashatu, kandi yaatemba aha mutwe gw'orushozi, reero aho Ruhanga yaakoreraho ebiragiro by'okuhindura omwana oine obushoboorozi. Aka . . . Bakaimutsya amaisho kandi baareeba Yesu, kandi ebijwaro Bye byayera nibimurinkana nk'omurabyo. Kandi Ekiu ku kyamusangiire, reero Eiraka ryaruga omu Kieu, kandi ryagira riti, "Ogu n'Omwana Wangye ou nkunda; Mumuhurire. Ninja kushutama hati kandi ntaagira ekindi eki naagamba. Eki Araagambe n'ekiragiro kandi n'Amazima."

28 Hati ekanisa eizire kurabira omu biteekateeko ebyo. Ekashwerwa enyima okwo, obwire buraingwa obuhingwire, kandi yaaba ekigombe ky'ediini, ekibiina. Kwonka, nimwetegyereza, Okuzaarwa kukarugamu ekintu ekindi. Kandi hati ehikire omu mwanya ahu ekanisa y'Abapentekoote, eine Okuzaarwa busya, egyeziibwe kandi yaarengwa, mbwenu hati neehika omu mwanya . . . Ruhanga takoragana n'Ekanisa nk'ekibiina ky'ediini. Takoragana n'Ekanisa nk'e-ekibiina ky'abantu.

Naakoragana n'Ekanisa nk'abantu okwabo, omuntu omwe okwe omu Kanisa. Kandi hati ehikire omu bwire . . . kandi tikiri ekya bwesherekkye; twena nitukireeba. Omuntu ku ahamya, kandi na Ruhanga arikumukunda, Amwetwarira aheeru ahantu nanka Ahariwe wenka. Aho omu maisho ga Baamaraika Agira eki yaamukorera. Naamuterura ahansi amuta ahaiguru okwo omu Kubaho kwa Ruhanga, reero amuha ebiconco, kandi amwijuza, reero amuta aheeru. Obwo nibwo busingye obu tutwiremu.

29 Omwoyo Orikwera niwe omwe owaajunire Abaluteeri; owaayerize Abametsodisiti; owaabatiize Abapentekoote; hati naata omu buteeka Okwija kwa Mukama Yesu. Ryari, Omubiri ogwo, nigwija kubeera kimwe ogw'amaani munonga, guryataaha omu Kibiina eki, Ekanisa, eraije kwiha abo abandi kuruga omu kituuro. Haryabaho okuzooka. Ekyo nikyo Omwoyo Orikwera yaahereirwe. Omwoyo Orikwera niki? "Barekye kuhikiirira itwe tutariho." Bakatuuraho omu kiro kimwe, ahansi y'ekyo. Tutwire omu kindi kiro.

"Omuzigu ku ataahamu nk'omwegyemure, Niinyija . . . Omwoyo wa Ruhanga aryaimutsya omucungiro kumurwanisa." Mwareeba? Turi omu kiro hati . . .

30 Enyima okwo, okwetegyereza kwabo kukaba kutari kimwe kya kabiri ky'okwetegyereza kw'eriizooba. Bakaba batarikubaasa kukora bomu ya atomiki nari emotoka. Bakaba bataine Sayansa n'ebintu nk'oku tubiine hati, kureka, n'ebintu ebitarikwetegyerezibwa; kugyezaho kugira ngu omuntu akahuuhwa hamwe, ahabw'omucucu n'ebindi nk'ebyo, kandi n'okutwara enhoboorora reero n'okugyezaho kukihamyia, okuhindura abantu abakaafiri.

Kwonka hati, Twamwetenga, Omwoyo wa Ruhanga naimutsya omucungiro. Niki? Naashukamu Omwoyo We. Bwanyima, abo abaahuumuuriire aheeru okwo omu bituuro, nari ahansi y'eitambiro rya Ruhanga, nk'oku Ekyahandiikirwe kigira, nibataka n'eiraka rihango bat, "Okuhitsya ryari, Mukama? Okuhitsya ryari? Hatsigaire obwire oburikwingani ki?" Ruhanga ategyereize nyowe naiwe. Ekanisa etegyereize nyowe naiwe. Obwire bw'okuhindurwa abaana abaine obushoboorozi, obu Ruhanga arikubaasa kutushukamu okuhikiirira Kwe, Amaani Ge, okuzooka Kwe, ngu Ekanisa na Kristo ku birikuhiakaana munonga okuhitsya obu Kristo araareebekye omuriitwe, kandi akazoora abafu, reero tukaza omu Kutwarwa.

Hati twaza kugamba, kworeka ahanyima y'akaanya kakye, ngu abo bonka abaijwire Omwoyo Orikwera nibo abarikuza omu Kutwarwa. "Ahakuba abafu abandi abaatsigaireho bo tibaragarukire kuba abahuriire kumara omwanya gw'emyaka rukumi." Ekyo kihikire. Abantu abaijwire Omwoyo Orikwera boona nibo banka abaagiire omu Kutwarwa.

31 Hati, Ruhanga akaha Omwoyo Orikwera . . .

Nyne Ekyahandiikirwe ekindi hanu, omuri Yohaana 14:12. Ekyo n'Ekyahandiikirwe eki abantu boona hanu omuri tabirinaakuru bamanyiriire.

Buzimazima, nimbagambira nti; Orikunyikiriza . . .

Hati, mutareka ekyo kigambo "Orikunyikiriza" kuba nk'ekyabagaruza enyima. Omu kanisa y'obutoosha, neegira eti, "Eego, niinyikiriza. Buzima, niinyikiriza ku Yesu Kristo ari Omwana wa Ruhanga." Sitaane naikiriza ekintu nikyo kimwe. Ekyo n'amazima. Baiburi ekagira ngu naikiriza.

Kwonka Ekyahandiikirwe nikigira, omuri Yohaana, ngu, "Tihariho muntu orikubaasa kweta Yesu ngu ni Kristo, atagambisiibwe Mwoyo Orikwera." Nooba, buzima, ahabw'Ekyahandiikirwe . . . Ka nyemerere hanu nk'edakiika, ntakamazire kushoma.

32 Nooba otakahindwirwe okuhitsya obu oraatungye Omwoyo Orikwera. Ekyo kihikire.

Noikiriza "kuhika aha." Omwoyo Orikwera agambire naiwe, kandi waamwatura omu bantu. Sitaane aine ekintu nikyo kimwe. "Niinyikiriza ku ari Omwana wa Ruhanga." Na sitaane nikwo aikiriza. Kwonka noogyenda noogumizamu Kumushanga.

Obu, Petero akaba ayetsirwe kandi aihirweho orubanja, ahabw'okwikiriza Mukama Yesu Kristo; kandi omuri Yohaana 17:17, Yesu akabeeza kurabira omu Kigambo, ahakuba Ekigambo kikaba kiri Amazima. Kandi akaba ari Ekigambo. Yohaana I, neegira eti, "Bwa mbere na Mbere hakaba hariho Kigambo, kandi Kigambo ogwo akaba atuura na Ruhanga, kandi Kigambo akaba ari Ruhanga. Kandi Kigambo yaaba omuntu, kandi yaatuura naitwe." Akaba ari Kigambo, n'ahabw'ekyo, Akabeeza. Akagira ati, "Taata," naagambira Omwoyo ori Omuriwe ati, "Nimbeeza kurabira omu Kigambo," We wenka, ahabw'okubataho engaro Ze. "Ekigambo Kyawe n'Amazima." Akafa kugamba kusha Yaabaho, omuri nyinenda y'omukazi; oo, tikirikubaasika na kakye We kuba omuringo ogundi gwona gutari nk'oku Ekigambo kya Ruhanga eki Kirikumworeka. "Nimbeeza."

33 Akabaha obushoborozi ahari baadaimoni. Baashohora baagyenda. Akahandiika amaziina gaabo omu Kitabo ky'Amagara ky'Omwana gw'Entaama. Reero yaabatuma, Yohaana . . . Matayo 10, kandi yaabaha obushoborozi ahari baadaimona; kubinga emyoyo mibi, kandi n'okukora emirimo, n'ebindi nk'ebyo. Kandi baagaruka, nibeesiima, baagira bati, "Na baadaimoni baaba nibatworobera."

Yaabagira ati, "Mutashemererwa ahabw'okuba baadaimoni nibaboorobera; kureka mushemererwe ahabw'okuba amaziina gaanyu gari omu Kitabo." Na Yuda akaba ari nabo. Nimureeba oku arikubaasa kuhika haihi munonga; kwizira kimwe kuraba omu kwiwhaho orubanja, kugumirizamu kimwe kutaaha omu kwezibwa. Kwonka ni nkahe ahu yaayorekyeire eki ari? Akeeyorekyera nkahe? Pentekoote etakahikire, akooreka erangi ze.

34 Mureebe, ogwo mwovo guryaba ogurikukunda ediini kandi ogurikurengyesereza omu burikwera, okuhitsya obu guraahikye aha Mwovo Orikwera reero Baryamwemereza aho honyini. Nigwo mwovo ogwo (timurikubaasa kugureeba?) ogurikwirira haihi, antikristo ogwo. Kandi Yesu akagira ati, "Ekaba neeza kushushanira kimwe, omu biro by'aha muheru ebone kuhabisa n'Entoore kyaba nikibaasika." Kwonka, mwijukye, n'Entoore zonka ezirikireeba.

Ruhanga ayeta ahabw'okutoorana. Iwe, t'oshemereirwe kureeba ngu ori omwe omuribo? [abantu baagira bati, "Amiina" -Omur.] Tikwo muri, bantu 'mwe abari hanu ekiro eki, nimumanya ngu haine ekiri omu mutima gwawe nikikurura kit, "Niinyenda ogwo Mwovo Orikwera. Ninkwenda, Mukama, omu mutima gwangye"? Ekyo n'ahabw'okuba Ruhanga akata eiziina ryawe omu Kitabo Ky'Amagara ky'Omwana gw'Entaama omusingye gw'ensi gutakatairweho. Ekyo Akakigamba.

"Tihariho orikubaasa kwija Ahariinye," nikwo Yesu yaagizire, "Tata atabandize yaamwiriza haihi. Kandi boona abaija Ahariinye, Ndyabaha Amagara Agatahwaho." Amagara Agatahwaho niki? Omwoyo Orikwera. "Amagara Agatahwaho," kwata ekigambo ekyo okireebe omu Rugrika, kandi kikagamba, Zoe. Zoe n'Omwoyo Orikwera. "Abu Ruhanga yampaire boona baryaija Ahariinye. Kandi boona abaija Ahariinye Ndyamuha Omwoyo Orikwera, kandi Ndyamuzoora aha kiro ky'emperu. Ndyakikora," nikwo Yaagizire. Tihariho ebya yaaba na Zaakandi Aharikyo. "Ndyakikora. Boona abaija; kandi Ndyabaha Amagara Agatahwaho." Aryateekwa kuzooka, 'habw'okuba aine Amagara Agatahwaho. Naateekwa kwija kuzooka. Tarikubaasa kufa nk'oku Ruhanga atarikubaasa kufa.

35 Oo, banywani bangye abakundwa kuruga hoona omu ihanga eri kandi n'omu rurembo rukye oru, ku naakubaasa kwonka, n'eiraka ryangye ry'obuntu, kuta omu mutima gwawe omugasho gw'okutunga okubatizibwa kw'Omwoyo Orikwera, kikaaba okushuuruirirwa okurikukirayo oburungi oku oratungire omu magara gaawe. Okureeba eki . . . Nooteekwa kukikora.

Ekyo ka nkishoboorore kurungi, ekikwatsire ahari, "Tohindwirwe."

Petero akaba ajunirwe. Akaba naikiriza Mukama, Yaamukuratira. Yesu akamugambira ou yaabaire ari, kyatumya Yaamukuratira. Akamuha obushoborozi ahari baadaimoni kandi yaamweza. Kwonka ahanyima y'ebyo byona, kandi yaaba omugambirizi mukuru w'ekibiina; nk'oku Abakatoriki baakwenzire kukyeta, "bishopu w'ekanisa, nari paapa," nari eki kiri kyona, omwebembezi w'ekanisa; beitu kandi Yesu akagira ekiro eki baamureebeizeho ati, "Petero, onkunda?"

Reero yaagira ati, "Mukama, Noomanya ku nkukunda."

Yaagira ati, "Riisa entaama Zangye." Ekyo yaakigamba kashatu.

Reero Petero yaagira ati, "Noomanya ku nkukunda, kuhitsya obu ndigyenda Naiwe kuhika aha mu-muheru, kandi niinyija kugyenda Naiwe kuhika aha kufa," n'ebindi nk'ebyo.

Yaagira ati, "Enkoko etakabikire kashatu, noi ja . . . enkoko etakabikire, noi ja kuba Wanyehakaine kashatu." Yaagira ati, "Kwonka, Petero, nkushabiire." Hurikiza. Tikyo ekyo kyonka. Nkushabiire. Kandi ku oraheze kuhindurwa, obwo ohamye bagyenzi baawe."

"Waaheza kuhindurwa." Akaba yaateire akaari. Obundi akaba yaaziniire omu Mwovo. We, akaba yaakozire ebinto by'emiringo yoona, kwonka akaba atakatungire Omwoyo Orikwera nabwo. "Waaheza kuhindurwa, obwo ohamye ab'eishe-emwe bagyenzi baawe," ago n'amazima, "kuhikiiriza puraani Ye."

36 Hati ka mariirize kushoma Yohaana 14:12. Hati omu shuura ya 14 n'omushorongo gwa 12, Yesu akagira ati,

"Buzimazima, nimbagambira nti, ogwo orikwikiriza . . ." Kandi torikubaasa kwikiriza . . . "Kuunyikiriza." Noobaasa kugira okwikiriza kw'okukuhitsya aha kutunga. Ni bangahi abarikwetegyereza ekyo, baagire bati, "Amiina." [Abateeraine bati, "Amiina." -Omur.]

Nimwijuka, omu kitabo ky'Ebyakozirwe 19. Niinyanga eki kukirekyera hanu, kureka nintekwa kukigamba nk'oku kirikuunyizira. Omu kitabo ky'Ebyakozirwe eshuura ya 19, obu omubuurizi w'Ababaputisiti ogu, owaabaire ari o-omunyabiragiro kandi owaabaire ahindukire, kandi akaba naabuurira kandi abantu nibajunwa. Kandi bakaba baine amashemererwa maingi, nibeesiima kandi nibateera akaari, baine oruteerane. Ebyakozirwe 18, Akula na Priskila, tukigambireho nyomwebazyo, kandi bakaba bagiire kumureeba. Kandi bakaba nibamanya ngu n'omushaija w'amaani, kandi akaba ari omwegi. Kandi akaba naahamya kurabira omuri Baiburi ngu Yesu akaba ari Omwana wa Ruhanga, arikumanya okubatiza kwa Yohaana kwonka. Akaba atakamanyire okubatizibwa kw' Omwoyo Orikwera. N'ahabw'ekyo yaagira . . .

Akula na Priskila, ogwo mushaija n'omukazi we, ababaziizi bakte b'amahema; ou, Paulo akaba abaziira amahema, nawe. Kandi bakaba baatungire Omwoyo Orikwera ahansi y'okwegyesa kwa Paulo. Baagira bati, "Twine Ow'eishe-emwe mukye orikwija aharuguru hanu. Mwikirize atugambire kakyeho aharikyo."

Kandi Paulo ku yaizire reero yaamuhurira naabuurira, yaamanya ku n'omushaija w'amaani, yaagira ati, "Mukatunga Omwoyo Orikwera kwiha obu mwikiriza?"

Baagira bati, "Titurikumanya aho . . . yaaba habaho Omwoyo Orikwera weena."

Yaagira ati, "Mbwenu mukabatizibwa omu kubatizibwa ki," nari ekigambo ky'Orugriika ekihikire aho ni, "mukabatizibwa muta?"

Baagira bati, "Tukaheza kubatizibwa na Yohaana omubatizi."

Hati mureebe eki Paulo yaagambire. Paulo akagira, ngu, "Yohaana buzima akabatiza okubatiza kw'okweteisa; kutari kw'okusaasirwa ebibi, kureka okw'okweteisa, naagamba, ekyo nikyo mwaikiriize."

Waayakiira Yesu nk'Omujuni waawe, noikiriza kuhika aha kubatizibwa kw'Omwoyo Orikwera. Okwo tikubatizibwa kw'Omwoyo Orikwera, ab'eishe-emwe abakundwa Ababaputisiti. Kigwire.

37 Ow'eishe-emwe akangambira ijweri, yaagira ati, "Ow'eishe-emwe Branham," nari obwire bumwe obuhingwire, ameezi agahingwire, yaagira ati, "Oweishe-emwe Branham, Abrahamu akaikiriza Ruhanga, kandi kyamubarirwa kuba ohikiriire."

Naagira nti, "Buzima."

Yaagira ati, "Omuntu naabaasa kukora ki ekindi kureka okwikiriza?"

Naagira nti, "Nikyo ekyo kyonka eki omuntu arikubaasa kukora. Nikyo ekyo kyonka eki arikubaasa kukora ebilo ebi, n'okwikiriza Ruhanga. Kwonka Ruhanga akamuha akamanyiso k'okusharwa," aku turabiremu ekiro kya nyomwebazyo, "nk'akamanyiso ngu Akaba aikiriize okwikiriza kwe Omuriwe." Kandi, eriizooba, kuhitsya obu Ruhanga . . .

Noomwikiriza Waamwakiira nk'Omujuni waawe. Kwonka Ruhanga yaakuha akamanyiso k'Omwoyo Orikwera, Naaba yaakutaho akamanyiso okuhitsya aha muheru gwawe gw'Obutahwaho. Hati imwe Ababaputisiti mutware ekyo, reero ninza kwikirizana naimwe aha burinzi Obutahwaho. Eego, sebo. Ahabw'okuba, "Mutarigwisa kubi Omwoyo Orikwera wa Ruhanga, owaabateereirweho kuba akamanyiso okuhitsya aha kiro ky'okucungurirwaho kwanyu." Torikuteebwaho akamanyiso ahabw'okwikiriza kuhika ahari, kureka kuteebwaho akamanyiso k'Omwoyo Orikwera. Abaefeso 4:30, "Mutarigwisa kubi Omwoyo Orikwera wa Ruhanga, owaabateereirweho kuba akamanyiso okuhitsya aha kiro ky'okucungurirwaho kwanyu." Ogwo naakutaho akamanyiso, waaba otungire obuganzi ahari Ruhanga, reero Akutaho akamanyiso k'Omwoyo Orikwera.

Ekyo nikwo kiri, ahakuba Baiburi ekagira eti, "Tihariho muntu owaakubaasa kweta Yesu ngu ni Kristo, atagambisiibwe Omwoyo Orikwera."

38 Noogira oti, "Ninkiikiriza ahabw'okuba omuriisa nikwo yaagambire." Ahikire, kwonka ekyo tikirikukubarirwa. "Ninkiikiriza ahabw'okuba Ekigambo nikwo kigamba." Ekyo kihikire, kwonka ekyo tikiri kyawe, ekyo tikirikukubarirwa.

Omuringo gumwe gwonka ogu waakubaasa kugira ngu Yesu niwe Kristo, n'obu Omwoyo Orikwera arikukutaahamu kandi akjurira, kandi Akeejuririra ati, "N'Omwana wa Ruhanga." Ogwo nigwo muringo gwonka ogu orikumanya okuzooka, n'obu Omwoyo Orikwera arikujurira. "We Omwoyo Orikwera ku ariija, Aryahamya Ebyangye, aboorekye ebintu ebirikwenda kwija; areete ebintu ebi, ebi naagambire, abibajutsye." Torikibona omu mashomero na kakye. Mwareeba? Naija kubajutsya ebintu ebi.

39 Hati nitwenda kushoma kweyongyerayo kakye omu Kyahandikiirwe eki hati, Orikwera Yohaana 14:12.

Buzimazima nimbagambira nti: orikuunyikiriza, emirimo ei nkora nawe aryagikora, kandi aryakora erikukira

...

Eki, okuvunuura okuhikire aho ni “nyingi okukiraho,” ku oraabe nooyenda kukisherura.

... erikukira eyangye obuhango, ahabw'okuba nyowe ningyenda ahari Tata.

Ku Yaakugiire ahari Ishe, Omwoyo Orikwera akaba naija. Ekyo kihikire? Ekyahandiikirwe ekindi nikigira kit, “Ku Ndaabe ntangyenzire, Omuhuumuza taryaija. Kwonka ku Ndaagyende, Ndyagaruka kandi Ngume naimwe, nangwa n'omuriimwe.” Mwareeba, ni Ruhanga ori naimwe. Ahaiguru yaanyu, okubanza; ari hamwe naimwe, omuri Kristo; omuriimwe, omu Mwoyo Orikwera. Ni Ruhanga omuriimwe.

40 Hati, “Emirimo ei nkora naimwe muryagikora,” ti gundi murimo. Kwonka Ruhanga naayenda kureeta Omwoyo Orikwera, omuriimwe, okugumizamu omurimo nigwo gumwe ogu Yaabaire naakorera omuri Kristo.

Omurimo gukaba guitarikwetengwa munonga omu biro bya Luther. Egyo ekaba eri Ekanisa ya Ruhanga. Gukaba gutari . . . Gukeeyongyera kwetengwa kukiraho omu biro bya Wesley.

Ahabw'okuba, “Ensi,” Baiburi ekagira ngu, “ekaba neeza kuhwa amaani munonga, kandi n'okugira obwengye munonga, kandi eyeyongyere kusiisikara obwire bwona.” Turi . . . Ensi yoona neeyeyongyera kusiisikara . . . Ekyo nitukimanya. Ahabw'enki, omuntu naakora ebintu eriizooba ebi, emyaka igana ehangwire otakaabaire nooteekateeka ngu nihabaasa kubaho omuntu enshaariizi ori atyo. “Okweyongyera kw'obubi obwire bwona, kandi ababi abo baryayeyongyera kukora kubi, obwire bwona,” Ekyahandiikirwe nikwo kirikugira kit, “okweyongyera n'okweyongyera.”

41 N'ahabwe'ekyo, Omwoyo Orikwera atwire naakora omurimo. Hakaba hariho okushukwaho kukye Kwagwo ahari Luther; okushukwaho Kwagwo kukye ahari Wesley; kandi n'okuhuua Kwagwo kwingi okukiraho ahari Pentekoote; hati omwitsyo n'Omwoyobihindukire ekintu nikyo kimwe. Naayeteerana hamwe, Naareetaho okushukahao kw'amaani okwo nikwo kumwe kw'Omwoyo Orikwera nk'oku Yaakozire enyima okwo, naayoreka emirimo niyo emwe ei Yaakozire enyima okwo, erikworekwa butunu eriizooba, ekintu nikyo kimwe.

Mureebe eki Yesu yaagambire. “Buzimazima, nimbagambira nti, Omwana tabaasa kukora kintu kyona kureka eki Abanza kureeba Ishe naakora. Eki Ishe akora, Ayoreka Omwana. Tata ori Omuriinye; Niwe akora emirimo Ye.” Mwareeba?

42 Hati mwetegyereze, nkiki hanu ekindi kintu eki nkaayenzire kugamba hanu honyini. “Nk'oku,” Yesu akagira ati, “nk'oku Tata Yantumire. Nk'oku,” hati mureebe, “nk'oku Tata Yantumire, Naanye nikwo ndikubatuma.” “Nk'oku Tata . . .” Ishe Akamutuma ata? Ishe, Owaamutumire, akashuumma kuruga omu Iguru kandi Yaamutuuramu.

Akagyenda. Yaagira ati, “Obutoosha Nkora ebyo ebishemeza Tata.” Mwareeba? Akagyendagyenda naakora ebintu ebi Ishe yaabaire Amworeka kukora. “Ti nkora kintu kyona kureka eki Tata abanza kuunyoreka.” Ogwo Ruhanga Owaamutumire, akaba ari Omuriwe. “Kandi nk'oku Tata Yantumire, omuringo nigwo gumwe ogu Tata Yantumiremu, Naanye nikwo ndikubatuma.” Niki? Ruhanga omuriwe, naagumizamu (enki?) emirimo niyo emwe, egyo emwe.

Yesu akagira ati, “E . . . ogwo orikwikiriza, ogwo Onyine omuriwe, Omwoyo Orikwera; ogwo orikwikiriza, ogwo owaaherize kujurira okuzooka Kwangye, orikumanya ngu Ndi omuriwe. Ogwo ori Omuriinye; ku oraagume Omuriinye, Ebigambo Byangye bikaguma omuriimwe.”

43 Hati noogira oti, “Nguma omuri Yesu; kwonka buzima tindikwikiririza omu kutamba endwara? Ekyo nikyoreka ngu Tariyo.

“Niinyikiririza omuri Yesu; tindikwikiririza omu Mwoyo Orikwera omu biro ebi, ti nk'oku Baamutungire enyima okwo.” Ekyo nikyoreka ngu Tariyo.

Omwoyo Orikwera naija kuhamya buri Kigambo eki Yaagambire. Tari munyabishuba. Tatiina muntu nari ekibiina ky'ediini kyona. Tarikufoobeera ahabw'omuntu weena. Agamba, kandi Aguma nakyo.

Ku baraabe bari abantu ab'ahaiguru, kandi abasiisikaire, kandi abeeegire, nari nk'oku twakukyeta, abatungi abaine obushoboorozi, ku baraabe batarikwenda Kumutunga, “Ruhanga naabaasa amabaare aga kugaihiramu Abrahamu abaana.” Naija kukwata emihiri, n'abarikuguza ebirkusinza batakiriziibwe, na buri kintu kyona, reero abatunguire. Ruhanga naabaasa kukikora, kandi Ariyo naakikora. “Ruhanga naabaasa amaabaare aga kugaihiramu Abrahamu abaana.” Hariho omuntu orikuza kukikora, ‘habw'okuba Ni Ruhanga.

44 “Ku muraagume Omuriinye, n'Ebigambo Byangye byaguma omuriimwe, mushabe kyona eki murikwenda,” ahabw'okuba nooshaba Ekigambo Kye, kandi Ekigambo Kye n'Amagara. Kigambe. Ruhanga ku araabe yaakigambire, kandi orikuhamya ngu Akakigamba, Omwoyo Orikwera naahamya ngu Ekigambo ekyo kihikire, obwo, nikyo ekyo, ow'eishe-emwe. Kigambe; nikyo ekyo. “Gambira orushozi oru oti, 'Tsinduka.' Otarikubangaanisa omu mutima gwawe, kureka noikiriza ngu eki orikugamba nikija kubakwo.” [Ow'eishe-emwe Branham yaateera omu ngaro ze emirundi eshatu -Omur.] Tiiwe orikugamba, kureka Sho ori omuriwe; Niwe

orkugamba. Tiiwe orikugambira orushozi orwo, ni Sho ori omuriwe, orikugambira orwo rushozi. Niruteekwa kutsinduka. "Eiguru ryona n'ensi biryahwaho," Akagira ati, "kwonka Omwoyo Wangye tari . . . nari Ekigambo Kyangye tikirihwaho." Buzima, Tikirikubaasa. Taata!

45 Hati, "Emirimo ei Nkora." Ruhanga ari omu Kanisa Ye, okugumizamu emirimo Ye. Ekyo nikyo Yaatumiire Omwoyo Orikwera. Hati, ekyo Akaba naakimanya. We, Akaba naamanya ngu tikyakubaire, tikyakubaasize kukorwa omuringo ogwo, n'ahabw'ekyo kikaba kiri omuringo ogundi, n'ahabw'ekyo akaba Naateekwa kutuma. Isheboona akatuma Omwana, kuta byona ebiri omu mai . . . Omwana omuriwe. Kandi emirimo niyo emwe ei Yaakozire, emirimo niyo emwe yonyine hati ei Yesu yaakozire, naimwe muryagikora, Ekanisa.

Timukaayenzire kukora emirimo ya Ruhanga? [Abateeraine bati, "Amiina." -Omur.] Yesu akagira ati, "Ku oraabe nooyenda kukora emirimo ya Ruhanga, Onyikirize." Noomwikiriza ota? Torikubaasa kukikora otakatungire Omwoyo Orikwera.

Habw'okuba, tihariho muntu orikubaasa kugira ngu N'Omwana wa Ruhanga; noogamba eki ondijo muntu yaagambire. "Baiburi ekagira ngu N'Omwana wa Ruhanga; niinyikiriza Baiburi." Ni kirungi. "Baiburi egira ngu N'Omwana wa Ruhanga; niinyikiriza Baiburi. Omuriisa agira ngu N'omwana wa Ruhanga; niinyikiriza omuriisa. Maawe agira ngu N'Omwana wa Ruhanga; niinyikiriza maawe. Munywani wangye agira ngu N'Omwana wa Ruhanga; niinyikiriza munywani wangye."

Kwonka omuhanda gwonka ogu ndikubaasa kugira ngu N'Omwana wa Ruhanga, n'obu Omwoyo Orikwera arikutaahamu kandi Akeehamya We wenka, obwo nibwo ndikumanya ngu N'Omwana wa Ruhanga. [Ow'eishe-emwe Branham yaakongoota aha kituuti emirundi ena -Omur.] "Tihariho muntu orikubaasa kugira ngu Yesu ni 'Kristo,' kureka ababw'Omwoyo Orikwera."

Haa! Tihariho omuntu owaakugambisibwa Omwoyo wa Ruhanga owaakugira ngu Yesu akyeenwe, nari akagira ngu Akaba ari ekintu nanka ebiro byona kandi n'eriizooba n'ekintu nanka. Ekyo Nikimuhindura otaine maani kandi omweremwa. Ngaaha, sebo.

Niwe omwe otahinduka oku abaire ari nyomwebazyo, n'eriizooba nikwo ari, kandi nikwo ariguma ebiro byona. Omwoyo gwona gw'amazima nigwija kuhamya ekyo. Ni kirungi.

46 Hati, Akagira ati, "Emirimo egi Ei nkora naimwe muryagikora," Yohaana 14: 12, hati, emirimo niyo emwe.

"Oo," nibagira bati, "ekanisa ekora omurimo muhango eriizooba." Omu muringo ki?

Akagira ati, "Emirimo Ei nkora."

"Ekyo," nibagira bati, "mpaho, twine abamiishani omu nsi yoona, ogwo n'omurimo ogurikukira obuhango."

Kwonka Akagira ati, "Emirimo Ei Nkora." Hati gikore, banza ogikore, reero obone kugamba aha bamiishani.

Eriizooba, nkaba ningamba obwire bumwe obuhingwire aha Musiraamu, akagira ati, "Muhamadi akafa."

"Ekyo kihikire, ari omu kituuro, kwonka ekiro kimwe aryazooka." Yaagira ati, "Ku arizooka kuruga omu kituuro, ensi yoona eryakimanya omu shaaha makumi abiri na ina." Yaagira ati, "Bantu 'mwe mugira ngu Yesu akazooka emyaka enkumi ibiri, kandi tihariho na kimwe kya kashatu ky'abantu abaakimanyire."

Ekyo n'ahabw'okuba mukakigamba kurugiirira aha bwengye bw'abuntu. Mukagamba kurugiirira aha musingye gw'eishomero nari obwegyese.

Kuri ekanisa nkuru egi yoona, ya Ruhanga, obariiremu Abakatoriki, Abapurotesitante, boona hamwe, baatungire Omwoyo Orikwera, ensi egi ekaabaire ehamiire omu Bukristaayo; tihakaabaireho ekintu nk'obukomyunizimu; tihakaabaireho ekintu nk'okutongan, nari obuzigu, nari obubi, nari rwango. Yesu akaabaire ashutami aha Kitebe Kye, kandi tukaabaire nitutambura omuri zaaparadiso za Ruhanga, twine Amagara Agatahwaho, tuhuriire ebiro byona; twaherize kuzoorwa omu mubiri musya, nitugyendagyenda oku n'oku, hatariho kukura, hatariho kugira enju, hatariho kurwara, hatariho kugira enjara; nitutamburira omu mashemererwa ga Mukama, nitugaaniira n'enyamaishwa. Kandi, oo, ka n'eizooba!

47 Kwonka tukozire ebini byona kureka eki Ya . . .

Akagira ati, "Mugyende omu nsi yoona kandi mubuurire Engiri." Engiri ekora ki? "Ti Kigambo kwonka, kureka omu Maani n'okweyoreka kw'Omwoyo Orikwera." Okureetera Ekigambo kya Ruhanga kworekwa, niyo Ngiri.

Torikubaasa kukikora. Hati, Yesu ekyo akaba naakimanya, ngu Akaba ashemereire kutuura omu Kanisa Ye.

N'ahabw'ekyo, Akamanya ngu tukaba nituza kugira amashomero g'ebi'obwegyese. Kandi Eki torikitunga omu ishomero ry'ebi'obwegyese. Baryakihakanisa. Ahabw'okuba, eki barikumanya kyonka n'obwengye bw'omuntu oyegire, zimwe aha nyikiriza z'ediini nari ekigombe ky'ediini ebi barikwenda ku-kubaisibwaho nabyo. N'ahabw'ekyo nibaija-nibaija kukuta omuri ekyo kandi bakuhindure memba w'ekibiina ekyo, kandi, ow'eishe-

emwe, baryakugambira ebintu bimwe kuruga omu nyikiriza y'ediini eyaakureebeka nk'ehikire. "Ekanisa nkuru erikwera, nyina-waago, ekeemera okuteerwa kwingi, ekeemera kuhondwa kwingi." Nikwo na sitaane nawe; abingirwe kuruga buri hantu hoona ahariho, haihi, kandi na hati naakigumizamu omuringo nigwo gumwe. Eego, sebo. Oo, nibaija kugyezaho kujuriza ebi.

48 N'ahabw'ekyo Yesu akamanya ngu hakaba nihaija kubaho enkora nkuru y'obwengye nk'oku yaabaire eriho omu biro Bye, nk'okwozya kw'enyungu n'esafuriya, n'okujwara ebijwaro, n'ebitogibihindwirwe, na buri kintu nk'oku baakozire, n'ebintu ebi byona ebitari bimwe ebi baabaire nibaza kukora. Akaba naamanya ngu nibaza kubikora, ahabw'ekyo Akagira ati, "Hati rindaho nk'edakiika. Tindikuza kubatsiga mutaine Omuhuumuza, Ningaruka omurundi ogundi kuba naimwe. N'ahabw'ekyo," Yaagira ati, "emrimo ei nkora, naimwe muryagikora."

Ekyigendererwa ky'okwohereza Omwoyo Orikwera kikaba kiri Ruhanga kugumizamu kurabira omu kibiina ky'abantu, kugumizamu obutoosha nibooreka Ruhanga omu nsi. Ekyo n'amazima. Atari ahabw'enyikiriza y'ediini, Atari ahabw'ekigombe ky'ediini; kureka ahabw'Amaani g'okuzooka Kwe, ahabw'okuhindura Ekigambo Kye kihikire; ahabw'okukwata okuragaanisa Kwe, kandi n'okwemerera aha rubaju rw'abantu bakte, n'okwikiriza Ruhanga; reero okareeba eiguru erirkwiragura nirirugaho, reero Amaani ga Ruhanga gakataahamu kandi gakategyeka. Amiina. Ekyo nikyo Arikwenda. Ekyo nikyo Omwoyo Orikwera yaayoherereziibwe. Ekyo nikyo kignydererwa eki Yaamwoherereize. Nitumanya eki Ari hati, kandi egoyi niyo nshonga ei Yaamwoherereize.

49 N'ahabw'ekyo, tihariho shagama endijo eyaakubaasize kweza abantu. Tinkaabaasize kukweza, kandi naiwe tokaabaasize kuunyeza, 'habw'okuba twembi tukazaarwa ahanyima y'okwegaita kw'omushaija n'omukazi omu by'omubonano. Kwonka Yesu akazaarwa hatariho kwegaita kw'omushaija n'omukazi omu by'omubonano, ekyo kihikire, n'ahabw'ekyo Eshagama Ye ekaba eri erikweza. Kandi Ruhanga akashuma ahansi, yaakora omubiri, yaagutaahamu, yaasheesha Eshagama egoyi ahabw'okweza kw'ogu, ekyaihiireho kimwe orubanja rw'ekibi n'enshoni. Bwanyima, kurabira omu kwikiriza, okwikiririza omuri Ekyo, Ruhanga naashuumira kimwe ataaha omu mubiri ogwo gw'obuntu, ahabw'okwezibwa n'egoyi Shagama, kimuhindura Oruzaaro rwa Abrahamu, ahabw'okwikiriza.

Okwikiriza ngu Eshagama egoyi ekaba neija kwija, egoyi Shagama eshemeire eyaabaire neeza kuba eky'amahano nk'eshagama ye, akagyenda enyima okwo ahanyima "y'okuba nk'ofiire." Akaikiriza Ruhanga kumara emyaka makumi abiri na itaano, we aine emyaka makumi mushanju na itaano y'obukuru, kandi yaikiriza okuhitsya obu yaahikize emyaka igana. Kandi na Saara, makumi mukaaga na itaano, kandi yaikiriza okuhitsya obu yaahikize makumi mwenda. "Kandi akaba ari omuntu ori nk'ofiire."

Kandi Ruhanga yaagira ati, "N'ahabw'ekyo kugira ngu abantu batakifeerwa, mutware aharuguru hanu aha kabungo reero omuheyo nk'ekitambo."

50 Yaagambira abahuuku ati, "Mwemerere hanu n'eniyumbu mutegyereze. Nyowe n'omwana nituza kuza seeri reero turamye, kandi nyowe n'omwana nituza kugaruka." Oo, naaza kukikora ata?

Abrahamu yaagira ati, "Nkamutunga nk'orugire omu bafu. Mbwenu nimmania ngu Ogwo owaamumpaire, nk'orugire omu bafu, naabaasa kumuzoora kumwiha omu bafu ku ndaakwate Ekigambo Kye kyonka. Kwata, nkwata Ekigambo Kye; Naabaasa kumuzoora omu bafu."

Naagambira kimwe ahari Kristo! Ngugwo aho. Kandi kurabira omu katafaari k'Eshagama ako haargayo Omwoyo Orikwera, Owaabaire ayesembire omu mubiri ogurikwetwa Yesu. Ego Shagama ekeeza omuhanda, ahabw'okwikiriza, kweta abacungwirwe, nari Entoore za Ruhanga. Kandi waaheza Kugakiira, n'Omwoyo Orikwera yaaheza kukwihamu obubi bwona, Naataahamu ahonaaho, Ruhanga Wenyini, kukora okukunda Kwe.

Ahaifo hanu, ogwo mukuru aha murimo mubi ow'ekiniga kibi; kandi n'ogu ondijo nanka na nanka okuzire enyima hanu naakora ekintu nanka na nanka; n'omugurusu ogu Naamugambaho, Kumurwanisa. Omuntu ojwirwe Omwoyo Orikwera naija kwemerera butsimba omumaisho gaabyo. Amiina.

51 "Kandi bakamanya. Bakaba bari babisi kandi bateegyesiibwe, kwonka bakamanya ngu bakaba batuura na Yesu." Ekyo nikyo Omwoyo Orikwera yaiziire.

Omujubi mukye okuzire akaba atarikubaasa kuhandiika eiziina rye. Kwonka akeemerera aho kandi yaagira ati, "Twikirize oha, omuntu nari Ruhanga?" Amiina. [Ow'eishe-emwe Branham yaateera omu ngaro rimwe -Omur.] "Ka mukimanye ngu, nitwija kuguma nitubuurira omu Iziina rya Yesu." Mugyenzi, ka n'obumanzi! Akaba naamanya ngu aka-akaba aine Eka seeri okwo. Ekyo kihikire. Akaba ari omugyenzi kandi omugyenzi hanu. Akaba naasherura Orurembo orurikwija.

Ogwo munyamurwa endyarya akaba naamanyisa ki ahariwe? Akaba ari omu butegyeki bwa Ruhanga ow'omu Iguru, owaazoire Omwana We, Kristo Yesu, kandi akamwijuza Omwoyo wa Ruhanga ogwo owaahangire eiguru n'ensi. Nikyo ekyo. Taramutiinire. Ngaaha, sebo.

52 Rufu ...

Ahabw'enki, ku baatwaire omugurusi mukye Stefaano aheeru aho, reero bakagira bati, "Kigarure!"

Akagira ati, "Imwe ab'ebitsya bigangaire, kandi abatashazirwe omu mitima n'omu matu, murwanisa obutoosha Omwoyo Orikwera. Nk'oku baashwenkuriimwe baakozire, naimwe nikwo mukora."

Baagira bati, "Nitusa kukuteera tukwite!"

Yaagira ati, "Ekyo timukaabaasize kukikora kuri mu . . . ? . . ."

"Nitusa kukwareka yaaba nitusa kukikora nari tutaraakikore!" Reero baajakura ebibaare bihango kandi baatandika kumuhonda omu mutwe.

Yaaranza ahaiguru, reero yaagira ati, "Nindeeba eiguru rikinguukire, nindeeba amatembezo nigashuuma ahansi. Nindeeba Yesu ayemereire aha rubaju rwa buryo rw'Ekitiinisa Kye." Kandi Baiburi teragizire ngu akafa; akagwejegyera. Oo, mugyenzi! Nindeeba Maraika naashuuma ahansi, naamukiikira kandi naamuzonzya nk'omwana, omukazi omuzaire, okuhitsya obu yaagwejegyere. Oo, mugyenzi! Buzima.

Ekyo nikyo kigyendererwa ky'Omwoyo Orikwera. Ekyo nikyo Ruhanga yaayoyerereize Omwoyo Orikwera.

53 Omwoyo Orikwera akaija kukuha Amaani. Nyine ebindi Byahandiikirwe hanu, nk'edakiika. Omwoyo Orikwera akaija kukuha Amaani. Ti-tinyine . . . Eki nimubaasa kukisherura; naakyerererwa munonga, ekiro eki.

Okukuha Amaani, Amaani omu kushaba!

Kwata omuntu otwire amagara marungi, kwonka batuura nibasingurwa. "Oo, ninkugambira . . ." Omuntu murungi ati, "Oo, buzima, ninkunda Mukama, Ow'eishe-emwe Branham." Burijo basingurwa, tihariho eshaara yaabo eragarukirwemu.

Ijuza ogwo mukazi mukye n'Omwoyo Orikwera rimwe, oreebe ekiraabeho. Yaaza omu maisho ga Ruhanga, tarikusingurwa. Naija n'obumanzi aha Kitebe ky'Obukama kya Ruhanga, naikiriza. Aine obugabe ahabw'okuba ni muhara wa Ruhanga, ahabw'Okuzaarwa.

Kwata ogwo mushaija mukye, omunyabwoba munonga, omukuru aha murimo naamutsindika oku n'oku. Agire ati, "Rindaho hanu edakiika hati." Hariho ekyahindukireho, mwareeba, aine Omwoyo Orikwera. Naakuha Amaani. Amagara gaawe gajiwire Amaani.

54 Omwoyo Orikwera naaha Amaani omu kugamba.

Ahabw'enki, mugyenzi, abantu abo abaabaire baine obwoba, beemereire aheeru aho; Petero, Yakobo, Yohaana, Luka, n'abandi boona. Bakaba bahungiire omu kishengye ky'ahaiguru, nibagira bati, "Oo, titurikubaasa kugaruka kugamba. Bari, ranza kuriya, hariho Dokita Nanka na nanka na nanka aheeru kuriya. Hariho Rabi nanka na nanka na nanka. Nimmanya, akaba aine diguri ina kuruga omu itendekyero; nitwija kubaasa tuta kumuhakanisa?" Petero yaagira ati, "Oo, niinyijuka ndikuguza eby'enyanja omushaija oriya eizooba rimwe. We, akagamba, kandi tindamanyire nangwa n'eki yaabaire naagamba. Oo, tinkaabaasize na kakye kumuhakanisa." Kwonka niki eki . . .

"Tukore ki, ab'eishe-emwe?"

"Yaagira ati, 'mutegyereze.'"

"Mbweni, twamara hanu ebiro bina."

"Mugume mutegyereize."

"Okuhitsya ryari?"

"Okuhitsya."

"Mbweni, Akagira ngu kiriyabaho aha kiro kya kataano?"

"Taragambire obwire bw'okumara. Akagira ati, 'Okuhitsya.'"

Mpaho, bakaguma bategyereize. Okuhitsya ryari? "Okuhitsya." Ebiro munaana byahingura. "Okuhitsya." Ebiro mwenda byahingura. "Okuhitsya."

55 (Reero) aha muheru eizooba rya Pentekoote obu ryahika, boona bakaba bateeraniire omu mwanya gumwe, (nibaikirizana).

Ruhanga akaba atwire ahaiguru yaabo, omu Kicu ky'omuriro; Ruhanga akaba yaagyenzire nabo, omu nsi; hati ekintu ekindi kikaba nikiza kubaho. Ekintu kiri haihi kubaho.

. . . boona bakaba bateeraniire omu mwanya gumwe, (nibaikirizana).

(Kandi) ahonaaho okuhoorera kwaruga omu iguru nk' . . . omuyaga oku guhoorera n'amaani, kwaijuriza kimwe (ekishengye) omu baabaire bashutami.

... endimi zeebaganiisemu . . . zaareebeka ahari . . . omuribo.

Ezebaganiisemu nikimanyisa ki? "Okutaanisibwa." Nk'okuhebebera, orahuriireho omuntu naahebebera? Nibagamba, "aha-aha-aha, oo, aha, aha," mwareeba, tibarikubaasa kugamba ekintu kyona. "Zeebaganiisemu, zitaanisiibwe." Nk'ekirengye kibaganisiibwemu, nikimanyisa ekintu "ekishatwire, kitaanisiibwe." Bakaba batarikugamba. Bakaba bataine kintu kyona eki barikukora kureka okuteera orwari rwonka.

... endimi zeebaganiisemu zaaza aharibo, nizishusha nk'omuriro. (Oo, tibarabaasize kwezibira!)

(Kandi) boona baijura Omwoyo Orikwera, . . . Hwiu!

56 Bwanyima n'enki ekyabaireho? Bakashohora baaza omu nguuto z'omu rurembo. "Rabi Jones ogwo arahi? Omuntu oriya arahi? Kandi oriya munyabwegye ekikaaka arahi?"

"Ruhanga akaba ari ahaiguru yaitu, ari na Musa, omu rushaka orurikwaka omuriro; Yaaturiisa emaanu, kuruga omu Iguru. Yaatambura naitwe kumara emyaka eshatu na mukaaga . . . emyaka eshatu n'ameezi mukaaga, hanu omu nsi. Kwonka hati Ari omuriinye. Tiinye orikugamba; Niwe. Nimmanya ou Ari, nimmanya eki ndi. Nyowe tinkiriho; Niwe oriho.

Mureete hanu! Imwe bashajja ba Isreali 'mwe, na . . . imwe abari Buyudaaya, ka mumanye eki-mumanye eki, kandi muhurire eiraka ryangye, imwe mwena ababuurizi na baarabi!

Hwiu! Mugyenzi! Amaani g'okugamba! Oo! "Aba tibasinzire!" Naarwanirira abo abakye, igana na makumi abiri, aha mutwaro n'omushobo.

... aba tibasinzire, nk'oku murikuteekateeka, ahakuba hati n'eshaaha ishatu za nyomushana;

Ndi omubuurizi w'Engiri ejewire. Kureka eki nikyo kyaragwirwe nabi Yoeli ati:

... Ruhanga akagira ati: omu biro by'aha muheru Ndyashuka . . . Omwoyo wangye (hwiu) aha bantu boona; (kandi) . . . baanyu. Wareeba Mariamu aheeru aho naazinira omu Mwoyo, naagamba omu ndimi n'okuteera orwari? . . . aha bantu boona: . . .

... kandi Ndyashuka . . . Omwoyo wangye aha bazaana bangye . . .

[Ow'eishe-emwe Branham yaateera omu ngaro ze emirundi eshatu.]

... Ndyayoreka obumanyiso ahaiguru omu iguru, n'o . . . omu nsi ahansi; . . . enyomyo z'omuriro, n'okucumbuuka kw'omwika:

Ruhanga akaba ari omu bantu Be obwire obwo. Amiina.

57 "Mpaho, hati, okaba oine diguri eha?" Ni nkahi, okaruga omu ishomero ki?"

"Ekyo tikirkureetaho entaaniso hati hati." Oo, yaatandika kureeta Ebyahandiikirwe.

Daudi akamureeba enyima okwo! . . . Mukama niwe ntaho amaisho obutoosha; . . . tinditengyetsibwa,

... nikyo omutima gwangye gwashemerereirwe, ahabw'okuba . . . n'orurimi rwangye rukeesiima;

... toritsiga magara gangye okuzimu, n'obu kwakuba okureka Orikwera waawe kujunda.

... ka mbagambre n'obumanzi ebja tatenkuriitwe Daudi, . . . ku yaafiire, yaaziikwa, n'ekituuro kye kiri aha owaitu . . . hati.

Kwonka ahabwa nabi . . . akareeba okwija kw'Ogwo Ohikiriire.

... kandi ka mukimanyi, ngu, Yesu ogwo ou mwabambre, mukamwitsa emikono y'abatategyekwa biragiro, Ruhanga akamuhindura Omukama kandi Kristo. Amiina!

"B'eishe-emwe, tugire tuta tukajunwa?"

... ati: Mweteise, mwena mubatizibwe omu iziina rya Yesu Kristo, mubone kusaasirwa ebibi byanyu; kandi nimwija kuheebwa ekiconco ky'Omwoyo Orikwera.

Ahakuba okuraganisibwa oku n'okwanyu n'okw'abaana baanyu, n'okwa boona abari hare, omuntu weena oryetwa Mukama Ruhanga waitu. Amiina.

58 Obwire bwona Ruhanga yaaba aine abantu, Ruhanga aine Ekanisa, Ruhanga aine Omwoyo Orikwera orikugyenda Nayo. Ekyo nikyo Ruhanga yaaheereire Omwoyo Orikwera. Abanyabwengye baryaimuka; buruijo tubagira. Kwonka Ruhanga aine bakye ahantu nanka. Ruhanga aine Ekanisa nkye eraije kugyenda ekagumirizamu kimwe n'okubatizibwa kw'Omwoyo Orikwera, nibagamba Omushana ogwo. Kandi nibo bariba bamwe abo abu,

kurabira omu bujurizi bwabo, baricwera ensi orubanja.

Baiburi terikugira ngu Yesu akagira ati, "Baine omugisha abashemeire omu mutima; abo baryareeba Ruhanga"? Kandi tikirikugira ngu, "Abahikiriire, abarikwera, baryacwera ensi orubanja"? [Abateeraine bat, "Amiina." -Omur.] Buzima.

Obujurizi bwawe eriizooba buryareeta orubanja aha rurembo oru. Obujurizi bwaitu bw'okubatizibwa kw'Omwoyo Orikwera n'Amaani ga Ruhanga, amagara agarikwera, birtyareeta orubanja aha rurembo orwo. Obu eki . . .

59 "Abo ab'okubanza baryaba aba bwanyima; abo aba bwanyima baryaba ab'okubanza." Tindigira kintu kyona eki naamanya ahari Sankey na Moody, omu kuzooka kwabo. Tibarimanya kintu kyona ahariinye, omuri obu. Kwonka ndyayemerera omuri obu, kuha obujurizi; naiwe nikwo oribuha.

Kandi okurabira omuri ekyo, ahabw'okujanjaaza Omushana gwawe, n'okubatizibwa kw'Omwoyo Orikwera, kandi n'ahabw'amagara agu waatwire, hamwe n'ebintu ebi Ruhanga akozire kuhamya ngu naakora omurimo hanu; kandi hamwe n'abanyabwengye baabo, bakagyenda Baakirugaho; abarikwera baryabacwera orubanja. Baaherize kucwerwa orubanja. Baaherize kurucwa.

60 Oo, mugyenzi!

Naaba ningamba aha Maani g'okushaba, Amaani g'okugamba, Amaani g'okutuura amagara agarikwera. Amiina. Ebyo nibyo Omwoyo Orikwera aine kukora.

Bamwe omuriimwe bantu 'mwe abarikugyenda, nimugira muti, "Mbweni, tindikubaasa kuruga aha kunywa. Tindikubaasa kuruga ahari eki."

Omwoyo Orikwera naija kutuura omuriyiwe, kutuma za "tindikubaasa" ezi zoona zaarugaho. Ekyo kihikire. Kutuma abakazi baareka kushara eishokye ryabo, kubareetera kuruga aha kujwara zaasikaati ngufu munonga n'empire daingwa. Tihariho rwekwatso. Kutuma waareka orugambo. Oo, eego, ekyo nikyo kigyendererwa Kye, kutuma waatuura amagara agarikwera. Naija kukuratira okuhabura kwa Baiburi obwire bwona.

Omukazi naagira ati, "Nihootsya munonga; nintekwa kujwara ebi. Ninteerwa omutwe ku ndikureka eishokye ryangye rikakura."

Kwonka tihariho rwekwatso aha Mwoyo Orikwera. Ari aho kukikora atyo. Buzima Naija kukuratira Ekigambo. Ekyo nikyo Omwoyo Orikwera akora.

N'ow'okutuma iwe omushaija waahindura omutwe gwawe kuruga ahari abo bakazi abari nk'abajwaire busha, kandi okareka kubarigira, kandi bari baamemba b'ekanisa. Ekyo nikyo Akora.

61 N'ow'okukwiha aha kureetsa sigara n'okunywa, reero obe . . . kwenda kuba omuntu w'amaani. Ekyo Naija kukikwihamu. Naija kukucureeza waakora ekyo. Ekyo nikyo kigyendererwa ky'Omwoyo Orikwera. N'ow'okuha amagara agarikwera. Ekyo kihikire. Naatuma waareka orugambo. Naatuma waareka kuzaana zaakyanisi, okuteera zaara, n'ebintu ebindi ebi okorera omu nshonda.

Naija kutuma waareka kukora ebitashemereire nk'oku orikukora, okutaba mwesigwa aha mukazi waawe. Ekyo nikyo Arikora. Ekyo kihikire. Naija kukureetera kuruga aha kwenda kutaasya omukazi w'ondijo muntu. Ekyo kihikire buzima.

Ekyo nikyo Ari. Naatuma waatuura amagara agarikwera. Ekyo nikyo kigyendererwa ky'Amaani g'Omwoyo Orikwera, "kuta omutima gwawe aha bintu by'omu Iguru," ei Ruhanga ayemereire aha . . . ? . . . enteekateeka ya Kristo omuriyiwe. Torikubaasa kwezibira kureeba ebintu ebyo; waabireeba, noohindura omutwe. Ekyo kihikire. N'ow'okukutereeza.

Noogira oti, "Tindikubaasa kukikora. Oo, tindikubaasa kukikora." Buzima, torikubaasa.

Kwonka Omwoyo Orikwera akaja ahabw'egyo nshonga. Ekyo nikyo Yaakozire. Akaja kukikwihamu, egyo mize ya ira yoona n'ebindi ebi orikukora.

Okwo kuyaaga okwa ira, nooyetaanisa, noogira oti, "Ruhanga aheebwe omugisha, ndi owa Metsodisiti, tiinyine kakwate n'abo barikwera abeekuringa ahansi ba ira." Omwoyo Orikwera ekyo aija kukikwihamu.

62 "Ndi owa Baputisiti. Ndi owa Puresibateeri. Tinkaaza omuri ako kabiina kakye k'abarikwera abeekuringa ahansi aba ira." Omwoyo Orikwera naija kukikwihamu obwo bugangaazi bwona. Ekyo nikyo Yaakozire. Naakwozya omu Shagama; akugorora. Ekyo nikyo Yaizire kukora.

Akaja kukugorora. Akagira ati, "Ebitegami birtyagororwa." Ekyo nikyo Yaizire kukora; okubigorora. "Okubandika emyanya y'ahaiguru; okutuma enshozi zoona zaareebeka nk'ezirikuguruka-guruka nk'empaya nto z'entaama, n'amababi goona nigakuteerera omu ngaro, iwe." [Ow'eishe-emwe yaateera omu ngaro ze emirundi ena -Omur.] Enyonyi nizeeshongora omu muringo gw'omutaano. Ebide by'okushemererwa nibirangira. Tihariho

rwekwatso. Ekyo nikyo Yaizire kukora. Ekyo nikyo kigyedererwa kya Ruhanga kwohereza Omwoyo Orikwera, kugira ngu okaakora ebintu ebi, ngu okaakora . . . Omukurate.

63 Hati tindikwenda kubashaasha, kwonka naabagambiire ngu ndi hanu maririire buzima. Okwerinda kubacumita, rimwe na rimwe nimbaasa kuguruka omusitaari gumwe ahandi hantu; nguma n'Amazima ago, kwonka nguma aho reero nkikora omu muringo ogu kitarikubaasa kubacumita munonga.

Kwonka niinyenda kugira eki naabagambira. Baiburi ku eraabe neegira ngu kigwire omukazi kushara eishokye rye, haza okagira ngu oine Omwoyo Orikwera reero bwanyima okashara eishokye ryawe, niinyebuuza yaaba Omwine. Otagwa eiraro; ku oraagwe eiraro, ekyo nakyo nikyoreka ngu otairweho akandi kamanyiso.

64 Baiburi ku eraabe neegira ngu kigwire omukazi kujwara kishaija, haza mukajwara za ovoro ezi nkye eza ira n'empare ndaingwa aheeru hanu omu ruguuto, imwe bakazi 'mwe abakuzire! Ninteebereza omwerere muto akaabaire weena . . . ekintu, ngu nibazaana n'aboojo bato n'ebintu. Kwonka, reeba, ku ora-obwire obu bakazi 'mwe abakuzire, b'emyaka ikumi na itaano, ikumi na mukaaga, ikumi na munaana y'obukuru, okuhika ahari mukaaka, aheeru hanu omu ruguuto! Kandi Baiburi ekagira ngu, "N'ekihagaro omu maisho ga Ruhanga," omukazi kujwara ebintu ebyo. Kandi nimubijwara, n'obu kiraabe, haza mugira ngu mwine Omwoyo Orikwera? Nintangaara obumwe n'obumwe. Omwoyo Orikwera naija kukuratira Ekigambo kya Ruhanga kyona.

Kandi omubuurizi ori enyima y'ekituuti, ataine embabazi ezirikumara kubuurira Omwoyo Orikwera, nimbangaanisa yaaba Amwine. Ekyo nikyo buzima! Mpaho, ekyo nikyo Omwoyo Orikwera yaaheereirwe.

65 N'ow'okuha amajuta omubuurizi. N'ow'okuha ekibiina oburikwera. N'ow'okuta Ekanisa omu buteeka. N'ow'okureeta obumwe bw'Omwoyo. N'ow'okuteerana hamwe omu Maani. N'ow'okututeerana hamwe na rukundo, rukundo y'ab'eishe-emwe.

Tindikufaayo ku oraabe ori owa Metsodisiti, Baputisiti, Puresibateeri, Luteeri, eki ori kyona, ku turaabe twena ahabw'Omwoyo omwe tubatizibwe kutaaha omu Mubiri gumwe, kandi tukaba engingo z'Omubiri gwa Yesu Kristo. Tihariho . . . tihariho ekirihi, ekiribaho; enjara, okukuuhura; tihariho kintu kyona ekirikubaasa kututaanisa na rukundo ya Ruhanga, rukundo ya Kristo, "rukundo ya Ruhanga eri omuri Kristo," ahabw'okuba tuzairwe Omwoyo We, twayogibwa omu Shagama Ye. Turi ebihangirwe ebisia. Ekyo nikyo Ruhanga yaizire kukora. Ekyo nikyo kigyedererwa ky'Omwoyo Orikwera. Eego, sebo. Nikyo ekyo.

66 Hati, bantu 'mwe, mundeebe omu maisho. Emikoni mingi egiire ahaiguru, ngu mwine Omwoyo Orikwera; mwareeba, buzima, ebaire eri mingi. Oo, hati naaza-naaza kuguruka kakyeho hanu. Eki nikikwatwa aha rutambi rw'amaraka. Kwonka nituza kutunga ebindi aharikyo nyencakare omu kiro.

Ku oraagire ngu Omwine, kandi ebi nibikucwera orurbanja, niinyebuuza ekirikukwebembera. Ruhanga tarikwebembera akakwiha aha Kigambo. Aryakurindisa Ekigambo, ahabw'okuba ebyo n'ebiragiro bya Ruhanga Wenyini, by'Ekanisa Ye, Ahabw'abantu Be, ahabw'abakazi n'ahabw'abashajia.

"Mbweni," oti, "tikirikunkora kubi kukora eki nari kiriya." Tikirikukukora kubi? Ekigambo nikigira ngu nikwo kiri.

Kandi Omwoyo Orikwera ku araabe ari omuriyiwe, Naija kukwebemberera kimwe akuhitsye aha Kigambo. Tiharibaho rwekwatso. Ruhanga tahindahindura nari kuha rwekwatso. Naataho akamanyiso naiwe nookakurata. Nikyo ekyo kyonka. Ekyo nikyo kiri ahari buri omwe. Noizira omu muhanda nigwo gumwe.

Petero akagira ati, "mweteise, mwena; mubatizibwe, mwena omu Iziina rya Yesu Kristo ahabw'okusaasirwa ebibi byanyu, bwanyima nimwija kuheebwa ekiconco ky'Omwoyo Orikwera." Mwareeba? Nikyo ekyo. Nituteekwa kuhika aha musitaari ogwo.

67 Hati ttingyendereire kubashaasha; nimbakunda munonga ekirenga. Kwonka, ow'eishe-emwe, ow'eishe-emwekaza, nooyetegyereza, hamwe na . . . nimmanya ngu ninteeekwa kwemerera omu biro by'aha muheru aha kuzooka okwo, n'obusingye bw'abantu obu, reero nshoboorore ahabw'Ekigambo eki? Kandi n'Omwoyo Orikwera naayoreka eki, kandi naanye Ninkibuurira seeri okwo, noozza kwemerera hi? Noozza kukyeshara ota? Torikubaasa kukikora, munywani. Otakikora. Hati ekyo okirekye. Eki orikukora kyona ekigwire, kirekye.

Noogira oti, "Tindikubaasa."

Kyaba kiri kitio tokatungire Rubaasa omuriyiwe na hati. Omwoyo Orikwera ku aija, Akuha Amaani g'okusingura ensi. Kandi ku ora . . . Muhurikize eki Yaagambre. "Ku muraakunde ensi nari ebintu by'ensi, n'ahabw'okuba rukundo ya Ruhanga teri omuriimwe." Hati, tihariho rwekwatso. Naakyoreka butunu, kandi nituteekwa kuhika aha rugyero orwo.

Nimmanya ku murikuteekateeka ngu ndi mubi munonga. Kwonka nyowe nyijuriire kimwe kubi munonga hati hati. Mwareeba? Muhurikize. Ekyo n'amazima.

68 Hati ija Ahariwe, ow'eishe-emwe, ow'eishe-emwekaza.

Otareka gamwe aha matendekyero g'ebi'obwegye bw'ebi'ediini agari haihi hanu kukugambira ngu, "Oo, ebyo n'ebintu ebya ira ebitakiri ha mutindo."

Ku biraabe biri ebintu bya ira ebitakiri ha murembe, obwo Ruhanga n'owa ira takiri ha murembe. Kandi Ruhanga ku araabe ari owa ira atakiri ha mutindo, obwo naanye, nikwo ndi. Amiina. Niinyenda kuba Nkawe. Ahabw'enki? Omwoyo We ari omuriinye, ogira enjara n'eiriho, naayeta kyona ekihindukire aha Kigambo . . .

Abantu ku baraagire bati, "Ni kirungi ahakuba, oo, omuntu ku araazaane zaakyani kakyeho ahabw'okweshemeza, haza akagoba sente omuri zaara. Ni kirungi." Ruhanga naagira ngu tikiri kirungi.

"Oo, ku oraanywe amhaarwa marungi g'okukunyanisa omu kibiina, kandi okasindaho kakye, rimwe na rimwe."

Kwonka Ruhanga akagira ati, "Aryakareeba."

"Oo," noogira oti, "ni kirungi, Ow'eishe-emwe Branham. Ni-ni-ninshara eishokye ryangye ahabw'ekintu ekihikire. Omukazi, nimumanya, abandi bakazi nibakikora." Tindikufayo eki abandi bakazi barikukora. Tibari eky'okureeberaho kyawe nari tibo mukama wawe. Ku oraabe oine Omwoyo Orikwera omunda yaawe, noiya kukuratira okuhabura Kwe oteeteire aha bi abantu barikukugambaho.

69 "Mbweni, Ow'eishe-emwe Branham, nihootsyu munonga, mbwenu ninteekwa kujwara obujwaro bukye obu n'obu." Okuzimu nihootsyu munonga okukiraho, ow'eishe-emwekazi omukundwa. Ekyo ka nkikugambire. Kandi-kandi otakikora. Ekyo okijukye.

Kandi Omwoyo Orikwera naija burijo kukwebembera kukuhitsya aha Mazima, kandi Amazima Ge n'Ekigambo. "Ekigambo Kyangye n'Amazima. Ka buri kigambo ky'omuntu kibe ekishuba, kwonka k'Ekyangye kibe amazima."

Kandi muteekateekye kwonka, "ekihagaro." Nimubaasa kuteekateeka?

Eki n'ekigambo kibi munonga kugambwa omuheereza, beitu ngiire omu bisheeshero by'omu myanya ei hakaabaire hari nka . . . Okaabaasize kugaruka enyima oshohora, haihi hakaba habeereire kimwe . . . N'ebintu bibi biri aha kisiika. Naateekateeka nti, "Abantu nibabaasa bata kuburwa engyesho omu nsi omuringo ogu?" Kandi n'okunuuka kubi! Kandi ku nza omu myanya egoy, obumwe n'obumwe nteekateeka nti, "Ka n'ekinuuko!" Nkaba . . . Omwo, nkaba ngira nti enyindo yangye, kunaaba engaro zangye. Nkaba ntiina ngu ku ndaakwate aha munyururu gw'orwigi, omurundi ogundi, nihaba hariho obukooko kuruga omu bushambani n'ebindi. Reero naateekateeka nti, "Oo!"

Eizooba rimwe, nyemereire aha kishaayi ky'endegye, gumwe aha myanya egoy ei naagiiremu, nimmanyisa omwanya gw'omuhanda gw'egaari-mwika, nigwo naataahiremu.

Reero naateekateeka nti, "Oo, embabazi."

Reero Ekintu kyangira kiti, "Okwo nikwo ensi enuukira Ruhanga. N'ekirikunugwa."

70 Naateekateeka, ku ndaareebe omukazi naatambura naashuma omu ruguuto rw'omu rurembo, weena naanyigimba batyo, haza ajwaire ebijwaro by'abashaija, okwo nikwo kireebeka ahari Ruhanga. N'ekirikunugwa, ekintu ekirofakaire kandi ekirikunuuka, omu maisho ga Ruhanga. Beitu kandi, naija kuza aha kanisa aha Sande, kandi ayetone.

Omushaija naija kushuma aze eifo okwo, reero anywe, kandi aryangatanise, kandi akunde esente, kandi aryangatanise mutaahi we, na buri kintu ekindi, kwenda kutunga enshaagi; reero akore ebintu ebi, kandi ateere zaara, kandi areetse sigara, n'okunywa, n'okubeiha; reero aze aha kanisa kandi ahe obujurizi. Ekirikunugwa! Oburofa! Egyo n'ekanisa y'abeegire.

Oti, "Mpaho, ndi memba w'ekanisa." Eego, reero muteekwe kushohora omu kanisa, edakiika ikumi na itaano, nikwo abadiikoni boona n'abandi boona babaase kureetsa sigara, n'omuriisa, nawe, mutakagarukire omu kanisa kugumizamu. Ngambira? Yetaanise na buri kintu ekitaschemeire!

"Shiisha omubiri; Naanye ndyagucwekyereza." Ruhanga akagira ngu Aryakikora.

71 Kandi eriizooba, ekookoro, neereetaho ebicweka makumi mwenda n'omushobo ahari igana by'enfu, z'omumiro n'ekookoro y'omu bihaha, neereetwa kureetsa sigara. "Mushiishe omubiru; Naanye ndyagucwekyereza." Kwonka boorekyereire gehena munonga, nibahiringita batyo, tibarikumanya.

Kandi omubuurizi ayemereire omu kituuti aine zaadiguri ina, kuruga omu itendekyero, naareetsa, we wenine. Ka ngire eki naakugambira, ow'eishe-emwe. Omwoyo Orikwera akooherezibwa kweta abashaija n'abakazi kuruga omu kintu ekyo. Yetaanise!

Ekigambo ekanisa nikimanyisa "okwetaanisa." "Mubarugyemu," Baiburi nikwo yaagizire. "Mutarikora aha bitashemeire byabo, obwo Naanye ndyabaakiira; kandi muryaba batabani Bangye na bahara Bangye, Naanye

ndyaba Ruhanga waanyu." Oo, mugyenzi! Tindikwenda kuba mubi, kureka niinyenda kuba omwesigwa kandi ow'amazima. Eego, sebo. Oo, ka n'ekintu ekirikutiinisa!

72 Abashaija n'abakazi, twemereire nkahi ebiro ebi? Turahi? Ka twemerere.

Ekiro kiriya, aha ntebe nkye ekuzire aho omu kishengye, (kandi nintekwa kuhendera), entebe nkye ekuzire y'abantu babiri. Ahanyima y'okumara ebiro bishatu nari bina ninshaba, n'ahabw'ekyo nkahika omu mwanya, ningyendagyenda aho, kandi nintekateeka nti, "Ai Ruhanga," reero naahika omu mwanya nk'ogwo okuhitsya obu ntaramanyire eky'okukora. Naagira nti, "Ruhanga, tuhikire aha muheru gw'orugyendo. Kandi nimmanya ngu tindafiireyo. Ntungire esimu nizinyeta kugumizamu, kandi mba nduhire, reero ntabaase kukikora." Naateekateeka nti kandi nimbaasa kureeba Mukama wangye naazongazonga omu mwirima seeri, obu Yaabaire aruhiire kimwe Atarikubaasa na kakye kwimutsya okuguru kumwe ahanyima y'okundi, kwonka akaba Atari munonga . . . Akeemerera ahabw'omukazi wa Naini, bwanyima ahabw'omwojo owaareetsirwe aheeru okwo afire; okuhitsya obu Yaabaasize kuzayo kandi akakora aha katanda, reero akakozesa amaani makye agaabaire Gamurimu kuzoora omwojo ogwo. "Mbwenu, naaruhire nta? Ndi nta, Mukama? Hanu nintekateeka nti, 'Mpaho, nintandika kuba omugurusi. Ti-tindikubaasa kukikora."

73 Hakaba hariho Musa, Ruhanga niwe omwe ou mpeereza, akeemerera okwo, aine emyaka igana na makumi abiri y'obukuru.

Hakaba hariho Caleb, akeemerera aine emyaka makumi mwenda, aine rurara omu mukono gwe, reero yaagira ati, "Yoshua akata rurara egi omu mukono gwangye, emyaka makumi ana ehangwire." Obwo akaba aine emyaka makumi munaana. Yaagira ati, "Nyine amaani eriizooba nk'oku naabaire ndi obwire obwo." Amiina.

Naagira nti, "Ruhanga, nsaasira."

Naagira nti, "Mbwenu, reeba hanu, burijo ndi . . ." Reero naakwata omukazi wangye (enyima okwo) omukono, ahaiguru ya Baiburi egi na Baiburi ye enkye, naagira nti, "Mukundwa, ntwire nimpakanisa munonga. Omwoyo Orikwera nancwera orubanja omunda omuriinye." Naagira nti, "Nintekateeka ezo zaakamugye seeri kuriya. Nintekateeka ahari Hattie Wright enyima okwo n'abo boojo bato. Nintekateeka aha bi Ruhanga yaakozire, naayoreka ngu Akaba ari Ruhanga, orikubaasa kuhanga." Haleluya!

Naateekateeka nti, "Ekyo Akakingambira, emyaka ehangwire ati, 'Tindikureka. Tindikutsigaho. Tihariho muntu orikwemerera omu kaso, ebiro byona eby'a magara gaawe. Ndyaguma naiwe. Kandi kuruga omu mukono ogu ogw'okumanya eby'abantu, obunaku buryahika obu orimanya enaama y'omu mutima. Ahanyima y'ekyo, kirayeyonyera munonga.' Omwaka ahanyima y'ekyo, kikahamibwa gye, okwehinguriza ensi. Mbubu hanu bwaija, obuheereza obundi obu bukuru, bukuru munonga kukira buriya."

Naagira nti, "Mukundwa, ninkwata omukono gwawe. Ahabw'okuhwerwa Ruhanga n'embabazi za Ruhanga, otarindeka kugaruka kuhakanisa. Ka ngyende omu maisho omu kusisiimuka oku hanu kubuurira nk'oku ntakabuuirahoga. Ka nze hanu, kubanza naayeyeza, n'okutaho omuhanda ahabw'abantu; kugira ngu ebibi byangye ahabwangye, okutafayo kwangye kube ahansi y'Eshagama, kugira ngu mbone kushohora reero ngire nti, "Muunkurate, bantu 'mwe." Ekyo kihikire.

Niinyanga kureeba omuntu naagira ati, "Iwe gyenda okikore." Nkunda kureeba omuntu orikwebembera omu kukikora. Eego, sebo.

74 Hanu obwire bumwe obuhingwire, tukagira omuriro ahaifo hanu omu rurembo, Kampuni y'Amajuta ya Pfau ekakwatwa omuriro. Bakaba baine Ekitongore ky'Okuzimya omuriro ekya Jeffersonville eifo okwo. Reero munywani wangye, omushaija murungi, akaba atamanyiriire emiriro y'amaani nk'egyo, akaba naagyendagyenda aho, naagira ati, "Mushukyeere amaizi makye hanu, boojo 'mwe. Mushukyeere amaizi makye orubaju oru."

Ngugu hanu Clarksville eruguru okwo, "ding, ding, ding, ding," bairuka baza eruguru okwo. Reero yaagamba, omwebembezi w'abazimya-muriro yaaguruka, yaagira ati, "Mushukyeere amaizi makye haifo hanu. Musheenye edirisa eri hanu. Mushukyeere amaizi makye aho.

Kwonka okuruga seeri y'omugyera hakaija abazimya-muriro abatendekirwe kuruga Louisville. Orwo rurobo ruhango n'amatembezo bitakeemerire ogwo mwebembezi akaba yaahikire aha muheru gw'amatembezo. Amatembezo ku gaateirwe ahaiguru, akaba abeebembeire. Yaarekyera empango ye atakahikireyo, reero yaasheenyne edirisa, yaagira ati, "Mwije, boojo 'mwe!" Nikyo ekyo. Omuriro gukaraara omu dakiika nkye.

Atari, "Mushukyeere amaizi makye hanu. Mushukyeere amaizi makye aho." Nikikwijutsya, bamwe aha babuurizi aba abatendekirwe.

Kyo nimwije! Tugyende! Nimmanya ngu n'amazima. Ndorize kandi naayetegyereza. Ekitiinisa! Omwoyo Orikwera ahikire. Ruhanga ni murungi. Otagyezaho hanu, okagyezaho hariya; ka Tumutaahemu! Ari hanu. N'owaawe. Ruhanga akaha Ekanisa Ye Amaani Ge. Atari shukyeera aga hanu, kandi shukyeera; torigira kintu kyona ekyakorwa. Yebembere! Amiina. Aha! Hwi!

Nangwa torikubaasa n'okuzireeberamu bundi. [Ow'eishe-emwe Branham yaihamu gaarubindi ze

z'okushomesa -Omur.]

Amiina! Twaza kukora ki?

75 Buri muntu oshutami hanu aine ekijwire omuriwe.

N'ahabw'ekyo naaza kuhendera; nikibaasa kuunyetaagisa kuhendera, ahanyima y'ekyo.

Haine ekijwire omuriwe. Torikubaasa kushutama aho otaine ekijwire omuriwe. Omuriwe harimu amagara. Ago magara nigakutegyeka, n'amagara ago nigategyekwa omwoyo.

Hati, omuriwe nihabaasa kuba haijwiremu ensi, nookunda ensi nari ebintu by'ensi. Ruhanga akugirire embabazi.

Omuriwe nihabaasa kuba haijwiremu enyikiriza z'ediini kuruga omu kanisa emwe, eshaara zimwe nkye ezi ogamba, nooteekateeka ngu niziza kukushabira aha muntu omwe owaafiire nari-nari kukora akamanyiso aha kifuba kyawe. Ruhanga akugirire embabazi.

Kandi omuriwe nihabaasa kuba haijwiremu ediini, kandi nabwo ekyo nikikiraho obubi. Ekyo kihikire. Ekyo kihikire. Baiburi ekagira eti, "Omu biro by'aha muheru bakaba nibaza kuba abanyadiini munonga, baine enshusha y'okutiina Ruhanga; baine enshusha y'okutiina Ruhanga, kwonka nibahakanisa Amaani Ge; abantu nk'abo obeetantare."

Ediini ku eraabe ejjwire omuriwe; ori enshoberwa; ediini yonka, nikyo ekyo kyonka. Omuriwe ku haraabe haijwiremu enyikiriza z'ediini, torikumanya eki orikugamba. Ensi ku eraabe ejjwire omuriwe, ori empumi.

Reero, kandi, noobaasa kuba ojjwire Omwoyo Orikwera. Amiina. Nyine amatsiko ngu nikwo ori. Kandi, ku oraabe otarikwo ori, nyine amatsiko ngu nooza kwijuzibwa. Kandi ku oraabe ojjwire Omwoyo Orikwera, oine ki? Oine Amaani. Oine rukundo. Oine obusingye. "Obusingye Bwangye nimbubaha; tindikubaha nk'oku ensi eha, obu Ndikubaha." Oine obusingye. Okateebwaho akamanyiso. Oine akamanyiso. Amiina. Oine ekihuumuro. Oine amashemererwa agatarikubaasa kushoboororwa, kandi againe ekitiinisa kingi. Ohamire. Oo, mugyenzi! Ekyo nikyo ori, waabaoine Omwoyo Orikwera. Oine . . . Ku oraabe ojjwire Omwoyo Orikwera, "Orugire omu kufa waataaha omu Magara," otegyereize kuzooka kwa boona omu biro by'aha muheru. Amiina!

76 Omu nsi erikuza kwija, kurabira omuri Mukama waitu Yesu Kristo, kandi ogwo Owaamureebire naizira omu kitiinisa n'obushoborozi ati, "Enyanja eryagarura abafu baayo." "Emibiri erikujunda y'abo abaagwejegyereire Omuriwe erya . . ."

"Abagwejegyereire Omuriwe." Noomutaahamu ota? "Omu Mwoyo Omwe twena tukabatizibwa kuba Omubiri gumwe."

"Emibiri erikujunda y'abo abaagwejegyereire Omuriwe eryahindurwa kandi eshushe nk'omubiri Gwe ogw'ekitiinisa, ogu Arikubaasa Kwegomorera ebintu byona."

"Nkahurira eiraka niriruga omu Iguru," Yohaana nikwo yaagizire, "niringira riti, 'Handiika oti, "Baine omugisha abafeera omuri Mukaama . . .'" Nooza kutaahamu ota? "Omu Omwoyo omwe tukabatizibwa kuba Omubiri gumwe." [Ow'eishe-emwe Branham yaateera omu ngaro ze omurundi gumwe -Omur.] " . . . abafeera omuri Mukama okuruga hati; ababw'okuba nibahuumura emirimmo yaabo; n'emirimmo yaabo neebakurata." Hm!"

Ekyo nikyo yaayoyerereize Omwoyo Orikwera. Oo, obuhame obuhairwe omugisha, Yesu n'owangye! Ndi Omuriwe Nawe ari omuriinye; Ishebona Omuriwe, Nawe omuri Ishebona; na Ishebona omuriinye, naanye Omuriwe.

Yesu n'owangye!

Oo, ka n'okuroza kw'ekitiinisa kya Ruhanga!

Ndi omuhunguzi w'okujunwa, nguzirwe Ruhanga,

Nzairwe Omwoyo We, naanaaba omu Shagama Ye.

Amiina. Tindikubaasa kugiguza. Oo, mugyenzi!

Eruuru zoona na za arimaasi, n'efeeza n'ezaabu,

Eshanduukye Ze ziijwire, Aine obutungi obutarikubaasa kugambwa.

Ahakuba ndi omwana w'Omugabe!

Ndi omwana w'Omugabe!

Nyine Yesu omujuni wangye,

Nikimpindura omwana w'Omugabe!

Amiina kandi amiina. Tindikubaasa kugihingaanisa. Tindikubaasa kugihingaanisa. Nyine Ebyahandiikirwe ebindi bibiri nari bishatu . . .

N'ahabw'ekyo, nkiki hanu ekindi Kyahandiikirwe. Wa-waijura Omwoyo Orikwera, ebyo nibyo bintu ebi orikutunga. Mbwenu ori ki, aha nsi? Omugyenzi. Nimmanya ngu obwire buhweireyo, kwonka obwire tibukaahwayo ahabw'eki na kakye. [Ow'eishe-emwe Branham yaateera omu ngaro ze omurundi gumwe -Omur.] Omugyenzi! Oo!

Turi abahinguzi kandi abagyenzi,

Nitusherura orurembo orurikwija,

Eryato ry'amagara riri haihi kwija,

Okuteeranira abantu Be barungi Omuka.

77 Nimpurira amaizi nigeeshuka seeri aha mugyera gwa Ohio, obu naabaire ndi omubuurizi omutsigazi mukye nk'ow'emyaka makumi abari na ibiri y'obukuru, ninkyeshongora okwo. Reero naahurira, naareeba ahaiguru yangye, kandi naahurira Eiraka nirigira riti, "Reeba ahaiguru." Ngugu hanu Omushana mwingi gwaja nigwakira ahaiguru okwo, gwaja nigushuma ahaiguru yangye ryagira riti, "Nk'oku Yohaana Omubatizi yaatumirwe okutebeekanisa okwija kwa Kristo kw'okubanza, noija kutunga Obutumwa oburajie kwebembera Okwija kwa Kristo kwa kabiri."

Oo, nkaabaasize nta kukiikiriza? Kwonka kandi nikwo kyabaire. Kandi eriizooba omuriro gw'okusisiimuka nigwaka hoona hoona omu nsi. Ekanisa nkuru ya Ruhanga eyacungwirwe Eimukire kuruga omu mwanya ogwo, n'ehururu z'amaani z'okutamba endwara, n'obumanyiso, n'eb'y'okutangaaza, n'eb'y'amahano, nibyoreka okwija okwo.

78 Ori omushuhuuki, kandi ori omugyenzi. Nookora ebintu ebitari bya burijjo, bihindukire aha bi waabaire okora. Torikutwaza nk'oku waabaire otwaza. Abantu . . . Omwoyo Orikwera, Yaakwijaho, reero okaijura Omwoyo Orikwera, nooyehuzya ebintu by'ensi. Nooyehuzya ebintu ebirkubaasa kukugwisa kubi. Noobyehuzya. Byanyima nooba ekihangirwe e-ekirikutwaza okutari kwa burijjo, akaana k'embata akarikushusha kubi, aharibo, empungu nto eyaayaturiirwe omu kyaari ky'enkoko; ei naabuuriireho, Kandi Empungu Ku Eshandaguza Ekyashuri Kyayo. Nooreebeka nk'ekihangirwe ekirikushetsya, aharibo.

Kwonka, oo, mugyenzi, noogyendera aha Muhanda rugyendwa gw'Omugabe! Amiina. Oo, n'Omuhanda rugyendwa ogurikuza omu Iguru. Kandi ningyendera omu Muhanda rugyendwa gw'Omugabe.

Oti, "Reeba ogwo orikwera oyekuringa ahansi, ako kaana k'embata akarikushusha kubi. Ogwo n'omubuurizi orikwera oyekuringa ahansi."

79 Omubuurizi rurangaanwa w'Omumetsodisiti yaagambira omuntu eriizooba, omuri Louisville, yaagira ati, "Nkaayenzire kuyamba Ow'eishe-emwe Billy, kwonka noomanya eki ndikubaasa kukora? Nikita amagara gangye omu kabi" Torikwetaagisibwa kweta omu kabi.

Akata amagara Ge omu kabi ahbwangye. Amiina! . . . ? . . . Okugyendera omu Muhanda rugyendwa gw'Omugabe kwonka, nikyo ekyo. Oo, mugyenzi! Okwijura Omwoyo We! Okuzaarwa Omwoyo We! Okwogibwa omu Shagama Ye! Haleluya! Nshemereirwe!

Reero ekindi kintu, ahbw'enki, n'enki ekituma waakora ekyo? Okiri omuntu, kwonka ekirikutuma wakikora niki? N'ahabw'okuba ngu noija, iwe, Omwoyo waawe akuruga omu Iguru. Ni Ruhanga omuriyiwe.

80 Obu naaza Rooma, nkeetegyereza ngu bo, buri omwe, akaba aine omwoyo gw'Ekirooma. Ku naagiire Bugriika, boona bakaba baine Omwoyo gw'Ekgriika. Naaza Bungyereza; boona bakaba baine omwoyo gwa Bungyereza. Waaza omu myanya mingi, nooshanga . . . Bwanyima obona omwoyo gwa Amerika; nigutiinisa.

Obu naataaha omu mwanya ogutimbirwe ahansi y'eitaka ogurimu ebishengye ebi baziikamu abantu ogwa San Angelo omuri Rooma, bakaba baineyo ekyapa ekirikugira kiti, "Nyaabura 'mwe, abakazi ba Amerika, mujware ebijwaro, okuha ekitiinisa abafu." Omwoyo gwa Amerika.

Bareebe nibatemburuka omu ndegye bajwaire obwo bujwaro bugufu, na buri muntu naabareeba, reero ngugu hanu yaija Nyamurungi wa Amerika. Ogwo n'omwoyo gwa Amerika. Noobaasa kumanya ei ogwo mukazi arikuruga; oku ajwaire, mwojo 'we, naakurura enyima ye embwa nkye eine obwoya bwingi y'enyindo ziijwir ebihinzi. Ekyo kihikire. Oo, yee, omukazi ni . . . Omukazi, ni Amerika, Nyamurungi wa Amerika; naashuumma, noomanya, agyenda n'omweryo batyo. Ahabw'enki? Aine omwoyo gwa Amerika. [Ow'eishe-emwe Branham yaakongoota aha kituuti emirundi mukaaga -Omur.] Kwonka Yesu akagamba, Yaahamya naakihakanisa ekiro ekyo, Yaagira ati, "Muri ab'omu nsi egi ey'ahansi. Nkaruga omu Iguru."

Kandi ku oraabe oine Omwoyo wa Kristo omuriyiwe, okaruga omu Iguru, obwo ori omugyenzi hanu.

Kwonka oine obuhangwa bw'omwanya ogu orikurugamu. Ekyo nikyo ndikugyezaho kugamba.

81 Omurooma naija hanu, ayeyagura omu mutwe; n'Omugirimaani naija hanu; Omunyamerika naazayo. Ahabw'enki? Mwine emyoyo y'ensi ezo ezi murikurugamu.

Ekyo nikyo kirikutuma twabeera kimwe ab'omutaano aha b'ensi. Mukaruga omu Iguru. Muzairwe. Muri-muri abatuuragye b'Obukama obundi. Nimukiikiriza? [Abateeraine baagira bati, "Amiina." -Omur.] Ekyo nikyo Omwoyo Orikwera ari, n'okukuhindura omutuuragye w'Obukama bwa Ruhanga.

Bwanyima, ku oraabe ori omutuuragye w'Obukama bwa Ruhanga, Naatuma waatwaza ota? Nk'oku Ruhanga atwaza omu Bukama Bwe. Hati, Ruhanga akora ki omu Bukama Bwe? N'oburikwera, okuhikiirira, okushemera kw'ebiteekateeko, okushemera kw'omutima; Amaani na rukundo, kusherura ababuzire, okutambira abarwaire, okukora eby'amahano, okukora ebintu bikuru. Obwo, aha b'ensi nooreebeka nk'omushazi, kandi nibagira bati, "Abo bantu batabukire emitwe." Mwareeba? Kwonka ori omutuuragye w'Obukama.

82 Ekyahandiikirwe kimwe ekindi, ku muraabe nimwenda kukihandiika, Yohaana 12: 24. Ka nkibashomere jubajuba. Yesu akagira ati:

... akajuma k'engano ku kaba katagwire omu itaka . . . ku kaba katafiire, tikarikubaasa kurugwamu agandi amagara.

Hati, reeba, ekigambo kimwe ky'okumariiriza hati. Kandi mwijukye, kyaba kiri kityo, buzimazima kiri . . . Hati, Bantu 'mwe, nikyetengyerwa kimwe buzima kandi nikiragiirwa, kandi n'okugyema kandi n'ekiragiro, kugira ngu mutungye Omwoyo Orikwera hati. Ahakuba, ku muraabe mutakikozire, timurikubaasa kwija omu kuzooka. Hati mureebe. Ruhanga tarikubaasa kuhenda ebiragiro Bye. Ekyo nitukimanya. Akuratira ebiragiro Bye.

Hati e-enjuma y'engano, nari ey'ekicoori, nituza kutwara, nk'oku Yesu yaagambire aho. Hataraho kubangaanisa, e-enjuma, omuri Baiburi, naaba ninkishoma eriizooba, neemanyisa kamba nari embibo y'omuringo gwona, kwonka, engano, sayiri, ebicoori, nari ekintu kyona, n'enjuma. Kwonka enjuma y'engano ku egwa omu itaka, hati, hariho . . . Twena hanu tureebire, nitumanya ngu eki kibaho. Enjuma y'engano, nari enjuma y'ekicoori, neebaasa kureebeka gye nk'oku erikubaasa kuba, reero ogibyare omu itaka, kandi egyo njuma ku . . .

Eine amagara agarikugumizamu omwanya muraingwa. Neeshuuma ahansi eriizooba, eyeyihayo omu mushengye; reero egarukye ahansi, kandi egarukye eimukye ogundi murundi kandi egarukye ahansi. N'amagara agarikugumizamu omwanya muraingwa.

Egyo njuma ku eraabe etaine ntanga y'amagara omuriyo, n'obu yaakureebeka eri nungi eta, terirugayo na kakye. Eryaza omu itaka ejunde, kandi nikyo ekyo. Ekiweka kyayo, ebigikozire, nibibaasa kukoresibwa nk'orwezo n'ebindi omu itaka. Kwonka ebikwatsire aha kugaruka kubaho, terigaruka kubaho shana yaaba eine amagara agarikugumizamu omwanya muraingwa omuriyo. Buri omwe ekyo naakimanya. Torikubaasa buzima.

83 Nihabaasa kubaho abantu babiri, omwe omuribo buzima, bombi nibashushana. Omwe omuribo naabaasa kuba omuntu murungi, naabaasa kukora emirimo mirungi, naabaasa kukora n'ebindi; kwonka omuntu ogwo yaaba ataine Magara Agatahwaho omuriwe, tarizooka na kakye. Tarikubaasa kuzooka; tiharimu kintu ky'okuzooka. Tiharimu kintu kyona ky'okumuzoora, tiharimu Magara. N'ahabw'ekyo, nimureeba, ow'eishe-emwe omukundwa mugyenzi wangye, ow'eishe-emwekazi omukundwa mugyenzi wangye, omuntu ku aba atazairwe bwa kabiri, tabaasa na kakye kugaruka omu Bukama obu. Tarikubaasa. "Akajuma k'engano aka ku kaba katagwire omu itaka kakafa." Akaba Naayegambaho. Kwonka akaba aine, ti magara agarikugumizamu omwanya muraingwa, Akaba aine Amagara Agatahwaho; kandi Amagara ago Akagakuha, kugira ngu obone kutunga Amagara ag'omuringo nigwo gumwe.

Hati, ku oraabe oine amagara g'obuntu gonka, agarikugasha kukutambuza buri hantu kandi okarigira kubi, "Oyehayo kweshememeza aba afiire n'obu aba ahuriire," torikubaasa kuzooka. Noobaasa kuba omwishiiki orikukundwa munonga omu ishomero. Noobaasa kuba omwishiiki orikukundwa munonga aha muzaano gwa kyanisi gw'ekibiina kyawe. Noobaasa kuba omukazi orikujwara gye munonga omu ihanga. Noobaasa kuba orikukirayo kuba murungi. Noobaasa kuba oine ekyemerero ekirikukirayo oburungi. Omushaija waawe naabaasa kuba naaakukunda oburengye. Noobaasa kuba ebintu ebi byona, ebiri, ni birungi. Kwonka, ow'eishe-emwekazi, ku oraabe otaine Omwoyo Orikwera omuriwe, niwe Magara Agatahwaho, aha muheru gw'orugyendo oru ebyawe biryaba bibi.

Kandi tindikufayo oku orikushusha nari oku ebintu ebi biri, nari oku orikwangwa abantu nari oku orikukundwa abantu, oku oboneire nari oku oine enshusha mbi; ku oraabe oine Amagara Agatahwaho, okwo oryahangaara ebiro n'ebiro.

84 Okwezi n'enyonyyoozi ku biriba bitakiriho, n'ensi ehungiire omu nshozi n'omu mahamba g'omusheenyi, na buri kintu kiine-kiine, kitariho; reero n'ensi neezongazonga nk'omusinzi naataaha nyekiro, n'enyonyyoozi zikareka kwaka, kandi zikagwa kuruga omu iguru, n'okwezi kukahinduka eshagama; n'e-eizooba rikabwerabwera kandi rikashereka obuso bwaryo, ku birireeba Omwana w'omuntu naija. Muryayangashana omu kuhikiirira kwa Yesu Kristo, obone kuruga omu kituuro nk'omukazi muto murungi, oshangye mugyenzi waawe, reero mutuureho ebiro

n'ebiro n'ebiro n'ebiro n'ebiro, n'obusingye bw'Obutahwaho bwona oryaguma oriho. Ekyo nikyo kigyendererwa ky'Omwoyo Orikwera.

85 Ku oraahurire okukurura kukye, Otamwanga.

Omwoyo Orikwera niki? Ruhanga omuriyi. N'Owa ki? Kugumizamu omurimo Gwe omu bantu Be; okuteerana Ekanisa Ye hamwe, okuhitsya Ekanisa omu mwanya omu biro ebi, ahaiguru munonga kukira ey'Abaluteeri, Metsodisiti, n'Abapentekoote, okuhika omu mwanya gw'abaana abaine obushoboorozi n'embabazi z'Okutwarwa. Ngu, ku ekicweka ky'Ekanisa eki, Omwoyo ku araataahe omu Kanisa egi hanu, eryazooka buzima; kandi eryareeta, eryareeta abaacungwirwe boona abaakwatsire Omwoyo ogwo.

Abaaluteeri abo abaayemereire okwo n'ekyererezi kyona eki baabaire baine, omu kwihwaho orubanja; Abamesodisiti abo abaagwire ahansi, kandi bakashuka amaizi aha buso bwabo, ahabw'Omwoyo kubaijaho kurabira omu kwezibwa; abo Bapenteckoote, abaagyenzire oku n'oku omu ruguuto kandi bakabeeta "ab'endimi, n'abarikuregyeta, n'orurimi rw'embataa y'enkazi," n'ebyo byona; baryayemerera omu kuhikiirira, omu maisho ga Ruhanga aha Kiro ekyo, kiryabaho buzima kwo nk'oku Baiburi egi eri hanu. Ku muraabe nimuunyikiriza kuba omuheereza . . . Muunyeta nabi We; ekyo tinkyeyeta. Kwonka, nimuhurikize, nimbagambira omu Iziina rya Mukama. Abo abari omuri Kristo Ruhanga aryabareeta Nawe aha kwija Kwe, aha kuzooka, kandi abo bonka abari omuri Kristo.

86 Nitutaaha tuta omuri Kristo, bantu 'mwe?

Ahabw'enyikiriza emwe y'ediini twena nitwegaitiram? Ngaaha. Ahabw'okukwatana omu ngaro rimwe twena nitukururwa tutaahamu? Ngaaha. Ahabw'amaizi gamwe twena nitubatizibwa kutaahamu? Ngaaha. Nari ahabw'ekigombe kimwe ky'ediini twena tukeekoram ekombe ky'ediini kutaahamu? Ngaaha.

Kureka, ahabw'Abakorinso y'Okubanza 12:13, "Omu Mwoyo omwe, Omwoyo Orikwera, Omwoyo wa Ruhanga, twena . . ." Owa Metsodisiti, Baputisiti, Luteeri, Puresibateeri, "Tugyendere omu Mushana, nka We oku ari omu Mushana, tukwatanise hamwe, kandi Eshagama ya Yesu Kristo, Omwana wa Ruhanga eguma neetwozyaho eby'okutahikiirira byona." "Omu Mwoyo omwe, twena tukabatizibwa kuba Omubiri gumwe, kandi twabagana aha mbabazi Ze."

87 Torikubaasa kuza omu Rubanja. "Orikuhurira Ebigambo Byangye, akaikiriza." Tihariho muntu orikubaasa kwikiriza atakatungire Omwoyo Orikwera. "Kandi akaikiriza Owantumire," obwire obu Omwoyo Orikwera yaahamya okuzooka Kwe. "Aine Amagara Agatahwaho, kandi tariza mu rubanja, ahabw'okuba aherize kuruga omu kufa yaataaha omu Magara." Niki? Torikwatwa Rubanja na kakye. Toryemerera omu maisho g'Ekitebe ky'Obukama Ekirkwera kucwerwa orubanja.

Noobugana orubanja rwawe hanu honyini. Waayecwera orubanja obu waarcwera okagira oti, "Tindi murungi, kandi n'okwega kwangye ti kurungi. Mukama, ntaahamu, kandi ontware reero onyebembere, Mukama. Tindikufayo eki ensi egi egwire eiraro eraagambe. Nyebembera, Mukama, n'Omwoyo Waawe." Waacwa orubanja obwire obwo. Yecwera orubanja nk'omushema ahabwa Kristo, reero, omu kuhikiirira Kwe, Ekiro ekyo turyayemerera nk'abantu abatafa omu nshusha Ye.

88 Omuhanda ni gumwe gwonka. Bata? "Omu Mwoyo omwe twena tukabatizibwa kuba Omubiri gumwe." Kandi waaba ori omu Mubiri ogwo, ogwo Mubiri gwaherize kucwerwa orubanja, kandi Omutungire nk'eky'okurihiirira ebibi byaw.

Noogira oti, "Ekyo naaherize kukikora, Ow'eishe-emwe Branham."

Mbwenu, Omwoyo Orikwera ku araabe agarukire kandi akakutaho akabonero nk'akamanyiso, Omwoyo ogwo naakutaasya omu Mubiri gwa Kristo. Noohindukira orubaju ruriya orundi, kandi ori ekihangirwe kisia omuri Kristo Yesu. "Oherize kuruga omu kufa waataaha omu Magara. Ebintu ebya ira bihweire, kandi ori musya omuri Kristo!" Amiina!

Oo, nyaabura 'mwe, ka mbeshengyereze, Omukristaayo ow'eishe-emwe mugyenzi wangye nari ow'eishe-emwekaza. Otareka okusisiimuka oku kukakuwinguraho. Nooteekwa kutunga Omwoyo Orikwera. Niki? Omwoyo wa Ruhanga. Ahabw'enki yaaheirwe? Kukwebembera, kukworekyerera, kukwijuza, kukweza, kukweta ngu akwihey, otaahe omu Kanisa.

Ekanisa niki, ekigambo ekanisa nikimanyisa ki? "Abeetsirwe kurugayo, abeetaaniise." Oo, ka nimbaasa kutwara eishomo omuri ekyo hati hati! "Abeetsirwe kurugayo, abeetaaniise," abashuhuuki, abeetaaniise n'ensi, abahinguzi kandi abagyenyi, nibaatura ngu titwine hanu orurembo rw'omu nsi oru turikwetenga kutuuramu. Oo, mugyenzi!

89 Nk'oku Abrahamu, na Isaaka, na Yakobo, baashuhuukire, nibatuura omu mahema omu nsi. Nibaatura ngu bakaba bari abahinguzi n'abagyenyi, oruzaaro rw'obuhunguzi, omuhunguzi enyima okwo; ishe, omuhunguzi. Turi oruzaaro rwabo. "Kandi bakaba nibasherura Orurembo Oru Omwombeki waarlo n'Omuhangi yaabaire ari Ruhanga." Amiina. Bakaba nibasherura.

Kandi, eriizooba, oruzaaro rwabo nirukisherura Orurembo orurikwija, nibagira bati, "Tindikwenda kushushana n'ensi egi. Tindikwenda kugira akakwate n'ensi egi. Niinyenda, ninsherura Orurembo orwombekirwe ruhamire. Ninsherura Orurembo orwine Amagara Agatahwaho, ei eizooba ritarenga, ei hatariba bukuru, ei hatariba akenda karikwiragura aha rwigi, nari ekituuro aha rubaju rw'omushozi. Ninsherura orurembo orwo, Oru Omwombeki waarwo n'Omuhangi, orwa Ruhanga."

90 Hariho omuhanda gumwe gwonka kw'okukitunga. "Hakaba hariho Eibaare eryabegukire aha rushozi ritahigwirwe muntu, eryakumbagaire rikataaha omu nsi kandi rikagicwanyagura, reero ekaba nk'engano . . . nari ebishushunga ahu barikuuurira." K'Eibaare eryo, ogwo Kristo Yesu; Eibaare eryo eririkuteeza ensi entsibo, Eibaare ry'okugwisa, Eibaare ry'okushekyerwa, enkongi aha kanisa; kwonka aha mwikiriza n'Ekinombe ky'amabaare g'obuguzi bwingi, Eibaare ry'okuhamya, Eibaare ry'oburuhuukiro. Oo, mugyenzi!

Okuruuhuuka! Nimmanya ngu mperize kuruga omu kufa naataaha omu Magara. Omutima gwangye guruhuukire. Oo! "Imwe mwena abaruhire n'abaremereirwe, mwije Ahariiye, kandi Niinyija kubaha ekiuumuro omu mitima yaanyu." "A-akamanyiso akarigambwaho kubi," na-nabi nikwo yaagambiire Mariamu. Karyaba akamanyiso, buzima, karyaba akamanyiso. Kwonka karyaba obuhame. Karyaba rukundo. Karyaba ekirikuhaazya. Karyaba ekintu eki orikumanya ngu oherize kuruga omu kufa waataaha omu Magara.

91 Ow'eishe-emwe mugyenzi wangye, ow'eishe-emwekazi mugyezi wangye; nk'ow'eishe-emwe mugyenzi waawe, nk'omuheereza waawe omuri Kristo, ka nkleshengyereze, n'omutima gwangye gwona. Otareka eki kikaraba ahaiguru y'omutwe gwawe, nari kukuraba aha rubaju, nari ahansi yaawe. Mwakiire omu mutima gwawe, reero noija kuba omuntu oshemereirwe omu nsi.

Tindikukuragaanisa ngu noija kutunga miriyoni zaadoola. Ngaaha, sebo. Ow'eishe-emwe Leo, nintekateeka hariho bingi munonga by'ekyo ebiragaanisiibwe hati, "Zaamiriyoni zaadoola," ebantu ebi abantu abatari bamwe baagambire. "Ku oraabe Omukristaayo, noobaasa kutunga mirioni ya doola kandi oba omutungi." Tiinyine eki ndikukuragaanisa.

Nimbaragaanisa eki, ekintu kyonka eki ndikubaasa kubaragaanisa, n'okujuna Kwe. Embabazi Ze nizimara omuri buri kigyezo.

92 Abantu ahari pentekoote, bakaba batarikwenda n'ebi baabaire baine. Hati gamba ahari baamiriyoni? Bakaba batarikwenda n'ebi baabaire baine, ow'eishe-emwekazi Angie.

Nkaayenzire kukuhurira na Gertie nimweshongora, kimwe omu biro ebi, (arahi?), Saabiiti y'Okutaaha Omuka, kimwe omu biro ebi. Baingi omuribo baaherize kwambuka enyatano kwiha obwo. Oo, mugyenzi!

Tibarashabire bintu bikuru. Tibarashabire sente. Ahabw'eki, Petero akagira ati, "Efeeza n'ezaabu tinziine, kwonka eki nyine, nikyo ndikukuha."

Kandi ningamba ekyo ekiro eki, banywani. Amashemererwa, rukundo, obuhame, ebi nyine bya Kristo n'okuzooka Kwe, ebi nyine, nimbibaha; nimbibaha, nk'abaana ba Ruhanga.

Kandi mwije mugume aha musharaba Ruhanga ku araabe yaabeetsire, kandi mutaimukaho. Ku muraije nyencare ekiro, nimuba mwizire kutaaha omu kandi mugumemu okuhitsya obu kiraahwe, nari kwija hanu reero nituza kushaba kandi tubateho engaro. Mugyende . . . Egyo niyo ntwaza ya Baiburi, kubataho engaro ahabw'Omwoyo Orikwera. Reero nituza, imwe muze omu maka gaanyu . . . Ku muraagume aho, ku muraagumeho ekiro kyona, mugumeho ekindi kiro, mugumeho ebiuumuro byona, mugumeho okuhitsya ekibanza ky'omwaka, kandi mugumeho, mugumeho mpaka.

Ekyo, eki turaahabure kyona nyencakare ekiro, nitubooreka omuri Baiburi ekirikuteekwa kwija, kiryajia. Kandi Ku araije, obwo tihariho baadaimoni abarikumara kuteganisa . . . Noomanya ngu oherize kuruga omu kufa waataaha omu Magara. Ori ekihangirwe kisya omuri Kristo Yesu. Ebide by'okushemererwa by'omu Iguru biryarangira.

93 Ow'eishe-emwe Othal, ninkugambira, nikikuhembamu omuriro. Ngugu hanu omutsigazi ashutami hanu, murumuna wangye, owaabaire ari omuhiri naatambura aine embundu aha rubaju rwe, naasherura omuntu omu keekuubo, omuntu w'okushandaaza obwonko bwabo. Mbwenu n'enki ekyabaireho? Ekiro kimwe akareeba kandi yaikiriza Amagara. Kandi yaagumizamu naagyenda. Yaakuratira enteerane zangye. Reero omuntu omworo, ataine eby'okurya ebirikumara, kandi akaba abyama kandi agwejegyera omu bishaka aha rubaju rw'eihema, aine enjara n'eiriho. Reero ekiro kimwe Omwoyo Orikwera yaija. Oo, ow'eishe-emwe mugyenzi wangye, kikakuhindura, tikwo? Akareeta Amagara, kandi yaihaho rufu. Rwango ekarugaho, reero rukundo yaataahamu. Oo, mugyenzi! Obuzigu n'empaka byona bikarugaho; Amagara masya gaataahamu.

Reeba hanu aha bandi waateezamu abandi, abandi waateezamu abandi, n'ahandi hoona okwo. Oo, ebide by'okushemererwa by'omu Iguru nibirangira! Banywani, tiinyine muringo gwona ogu naakukigambamu.

94 Muhurikize, kugira ngu mbaase kureka eki, ku muraabe mwaikiriza obujurizi bwangye, nk'omuheereza wa Kristo, kandi naagyezaho kubooreka kuruga omuri Baiburi ya Ruhanga ku kihikire. Kandi ebigambo byangye ku

byakubaasaa kureebeka nk'ebi'omutaano kakye ho ahari eki, mureebe aha kishushani eky'omu nsi y'ebya sayansa. Mureebe ebyana, ebi egi Nyomyo y'Omuriro eyaayebembeire Abaana ba Israeli, mureebe ebyana ebi erikwana. Mureebe ebi ekora, ebi Emanyisa.

Tiinye orikugamba; niwe Ogwo ogambira omuriimwe, nimureeba. Tiinye oreeba okworekwa; niwe Ogwo ogambira omuriimwe. Tiinye otambira abarwaire; niwe Ogwo ori omuriimwe, otambira abarwaire. Tiinye obuurira; ndi omunyabwoba w'enyima, kandi niinyiruka nduga n'aha kiteekateeko kyonyini, kwonka niwe Ogwo ogamba naara ba omuriinye. Tindikumanya Kigambo; kwonka We Naakimanya. Nikyo ekyo. Nikyo ekyo. Ekyo nikyo kiri.

Kandi Ngugwo aho. Kandi Maraika wa Ruhanga ogwo omwe ari hanu omu kyombeko eki ekiro eki. [Ow'eishe-emwe Branham yaakongoota aha kituuti -Omur.] Oo, ka Niimukunda!

95 Hati ni bangahi abarikwenda kutunga Omwoyo Orikwera? Tushwijume amagara gaitu. Ni bangahi Abatakamutungire, kandi abarikwenda kumutunga? Yereeza omukono gwawe, ogire oti, "Ow'eishe-emwe Branham, kuruga aha ntango y'omutima gwangye, niinyenda kuheebwa Omwoyo Orikwera." Ruhanga abahe omugisha, hoona hoona.

Ni bangahi omuriimwe Abaamutungire, kandi abaakwenzire kugyenda nk'oku baakozire omu kitabo ky'Ebyakozirwe 4, reero bakagira bati, "Ai Mukama, Ai Mukama, gorora omukono Gwawe otambe, kandi nooyoreka obumanyiso n'ebi'okutangaaza omu Iziina ry'Omwana Waawe Orikwera Yesu, kandi ompe obumanzi bwona na rukundo, okugamba, n'okwijuzibwa kusya"? Eego, ogwangye ngugu hanu, naanye. Ruhanga, Mumpeereze.

Ka twinikye emitwe yaitu, tuhamiize kimwe, buri muntu oine ekyetengo kyawé omu mutima gwawe.

96 Mukama Yesu, nituhendera oru ruteerane rukye ekiro eki, ahanyima y'okukwatanisa omu Kigambo kandi n'Omwoyo Orikwera. Ka Yaatuha omugisha kandi akashuka omu mitima yaitu amajuta g'Ekiagambo Kye! Hariho abaheereza, hariho abantu hanu aba buri kika, abarorize kandi bakareeba ku Mukama ari murungi. Nitumanya eki Omwoyo Orikwera ari hati, okuragaanisa kwa Ruhanga. N'Amagara Agatahwaho ahari boona abarikwikiriza.

Kandi nitumanya ngu Omwoyo Orikwera akaba ari Omwoyo wa Yesu Kristo owaagarwirwe, kandi Ari omuriitwe ebiro ebi. Nk'oku Ruhanga yaabaire ari ahaiguru yaitu, omuri egoo Nyomyo y'Omuriro; bwanyima Yaatambura naitwe, omu . . . mubiri ogwabaire nigwetwa Emanueli, "Ruhanga arinaitwe"; mbwenu hati Ari omuriitwe, ahabw'Omwoyo Orikwera, Ruhanga omuriitwe. Oo!

Yesu akagira ati, "Aha kiro ekyo muryamanya ku Ndi omuri Tata, naimwe ku muri Omuriinye, naanye Ndi omuriimwe. Muryakyetegyereza omu kiro ekyo. Ahabw'okuba, muri omu nsi y'omwrima, nk'oku tugamba, hati, kwonka aha kiro ekyo nimwija kwetegyereza."

97 Taata, tikikaabaasize kushoboororwa butunu kandi kurungi, ahabw'okuba obwo titukaagizire ekintu ky'okugirira okwikiriza. Kwonka emirimo ya Ruhanga yoona neetegyekwa okwikiriza. Kandi ahabw'okwikiriza omu Kigambo Kyawe, omu kworekwa kw'Omwoyo Orikwera ou turikumanya ngu ariho hati, ninshaba ngu buri muntu oine enjara ori hanu abaase kwijura Omwoyo Orikwera. Abo Abatamwine, kandi Abamwiniire enjara, mwijukye . . . Nitubaasa kubagambira, Mukama, nk'eki eki Waagambire oti, "Mwine omugisha ku muraagire enjara n'eiriho. Muryahaaga." Okwo n'okuragaanisibwa. Kandi nangwa n'eky'omugisha kugira enjara. Oine omugisha nangwa n'okumanya ngu Ruhanga yaagamba naiwe, ahakuba Nikigira kiti, "Tihariho orikubaasa kwija Ahariinye, Tata atabandize kumwiriza haihi."

Kandi, Mukama, abo barwani bakuru abari hanu, baayereeza emikono yaabo. N'ogwangye naaba ngwereerize. Ai Mukama, tuhe amaani, tuhe obushoboorozi okugorora omukono gw'Omwana Waawe Orikwera Yesu, kugira ngu obumanyiso n'ebi'okutangaaza bibaase kukorwa, kugira ngu bubaase kuba obuheereza bw'amaani, ekintu kikuru okukira oku kirabaireho. Tuhe obumanzi na rukundo, kugambira abantu. Kituhe, Mukama. Guma naitwe omu bintu byona, twakishaba omu Iziina rya Yesu. Amiina.

98 Kandi nyencakare ekiro, Mukama, ka hajje aho okuhoorera kwingi kw'omuyaga, gugwe omu kyombeko eki, kugira ngu kibe nk'erindi Izooba rya Pentekoote. Omusingye gwateebwaho. Buri kintu kitebeekanisiibwe. Enimi zibaagirwe, ez'ebishaju zibaagirwe, abaana b'entaa babaagirwe, emeeza etebeekanisiibwe, abagyenyi beetsirwe. Ai Mukama, yohereza jubili ya Pentekoote, nyencakare ekiro, omu kyombeko eki, kandi oijuzye buri muntu n'okubatizibwa kw'Omwoyo Orikwera. Kituhe, Taata. Twakishaba omu Iziina rya Yesu. Amiina.

. . . turyayega ebintu bingi munonga,

Turyagira enanga y'ezabu, obundi eine emirya rukumi;

Turyayeshongora kandi tuteere akaari n'okuziina aho, Omwana gw'Entaama aryaturagaza amarira;

Turyagira eka emwe- . . . saabiiti nkuru y'okutaaha omuka, emyaka omutwaro y'okubanza. Amiina!

Eshagama y'omuhendo y'Omwna wa Ruhanga Wenka eshemeize kandi yaayeza

abantu b'okutangaaza ababw'Eiziina Rye kandi nibeetwa Omugore.

N'obu hanu bangirwe kandi bakagaywa, ekiro kimwe Mukama aryareeta

Abatoorainwe abo omu irembo, kandi ekyo nikikira byona.

Twaba turi omunda y'amarembo agombekirwe omu mabaare g'obuguzi bwingi, turyayega . . .



www.messagehub.info

Obutumwa obu bukabuurirwa
William Marrion Branham
“... omu biro by'eiraka ...” Kush 10:7